

書

廣筆記

幼科附痘疹

小兒初生卽以粉草

三錢切片

江西淡荳豉

三錢

入沸湯一

碗隔水煮乾至一二小杯以綿爲乳蘸藥汁入兒口吮之以盡爲度腹內有聲去胎糞數次方飲乳月內永無驚風諸病

兒初生不可剪臍帶三朝用麵和水成薄餅置兒腹穿臍帶於麵上將蘄艾火灸臍帶近臍處或三炷或五七炷灸須下帳避風灸畢仍將臍帶紮好聽其自脫至七日方脫者元氣足也瑅兒九日方脫其神甚

王

凡兒生下每日夜時將清湯或苦茶蘸軟絹攪兒口內如齒邊有白點卽以指爪或細針挑破取桑樹內汁濾清塗之永無驚風撮口之患予家用前三方兒月內並無殤者

治撮口 其症必先大便熱

用生犀角及真羊羚角磨和蜜汁飲之有效急則用

大黃二錢甘草二錢煎服

治月內啼

以真牛黃飛辰砂極細末各五厘塗兒舌上立止

治胎驚 仲淳定有驗

人參 白芍藥酒炒各一兩 白茯神 酸棗仁各一兩 炙

甘草 遠志肉甘草汁浸蒸晒乾各一兩 真天竺黃另研如飛麵 硃砂

另研如法各五錢 臍帶新瓦上炙焦存性另研細三條 天麻 犀角 滑石

末各一兩 如有紫河車一具火烘乾研細忌鐵 右天竺黃硃砂

臍帶另研外餘篩極細末然後加入另研三味再研和令極勻用鈎藤濃汁四兩和煉蜜半筋搗和前藥

每丸重一錢二分饑時臨卧以燈心薄荷湯調化服

日可與二三服或以鈎藤煎濃化藥更佳○如治

急驚本方去臍帶河車人參加白殭蠶蜜炙六錢 全蝎六錢

牛黃一錢 琥珀一錢 膽星八錢 麝香三分

治胎瘡 家弟患此服之神驗

人參三錢 虛甚瘡久者加至一兩止 白芍藥三錢 酒炒 廣陳皮二錢 鱉甲醋炙

麥門冬三錢 厚朴二錢 青皮七分 醋炒 山查肉三錢 水二鍾煎

八分温服 〇脾胃不佳加川黃連一錢 五分 姜汁炒 真藿香

白荳蔻二分 薑皮五分 竹葉三十片 白茯苓二錢

治小兒癇症或驚風不止 服黃孟芳幼患此症久服効

天竺黃五錢 酸棗仁二兩 麥門冬去心二兩 人參一兩 明天麻五錢

天門冬去心一兩 白茯神一兩 橘紅七錢 遠志肉甘草汁煮去骨一兩

白芍藥酒浸一兩 鈎藤五錢 細末煉蜜和丸如彈子大水飛

極細硃砂為衣每服一丸燈心湯或龍眼湯化下又

一方加紫河車一具酒洗淨煮爛或焙乾為末入前

藥中

疳積散 宋二懷傳累試神効

治兒乳食不節過飽傷脾面黃腹大小便濁

如米泔大便黃泄酸臭皮毛枯索甚而雙目

羞明生翳形骸骨立夜熱晝涼等證並用此

方主之

厚朴去皮切片薑汁炒熟淨末一兩 廣陳皮去白淨末八錢 粉甘草七錢 淨

真蘆薈明如漆苦如膽淨末七錢 蕪荑真孔林大而多白衣者佳去白衣殼淨末五錢 青

黃連已

切

黛取顏料鋪中浮碎百草霜取山莊人家鍋底煤二錢五分旋覆花

淨末一分勻和成劑小兒每一歲用藥一分燈心湯空

心調服服後病愈再用肥兒丸調理如脾氣未實用

啓脾丸或大健脾丸如疳氣未盡用陳皮一兩白木香

三錢白茯苓五錢加平胃散三錢爲末陳米湯調下

肥兒丸

人參三錢蕪荑一兩史君子肉一兩白芍藥一兩橘紅八錢黃連

一兩甘草五錢紅麴七錢麥芽七錢砂仁五錢白茯苓一兩山查肉

七錢滑石一兩蓮肉二兩扁豆一兩青黛一兩煉蜜丸彈子大每

服一丸空心白湯化下

治疳瀉痢見紅白積者

用前散子加黃連薑汁土炒肉荳蔻二味燈心湯少入熟

蜜調服

治食積成疳

用前散砂仁湯調服 四方俱宋二懷傳

治小兒疳症唇白或紫腹大面黃髮乾上指

施季泉有丸藥如龍眼大納猪肝內白酒煮之止食

肝一劑而愈其丸取出尚可抹人方不傳兒輩累試

之奇驗價亦廉

治疳眼

生鷄肝一具不拘大小雌雄二三歲者只用半具外
去衣內去筋膜研極細如麵入疔積散若干調極勻
加熟白酒厚薄相和隔湯頓極熱空心服或用甜酒
少加熟白湯調服至眼開翳散乃止

又方

白芙蓉花

陰乾三四錢聽用

另以不油不蛀肉荳蔻

一枚粉裹煨

真胡黃連

五分

共細末將赤雄雞軟肝去筋膜入前藥

末同研極細丸如龍眼核大白酒隔湯煮熟空心與
兒吃其藥約分三分如兒小可再分作四分兒大者
可一二次頓服立驗

治小兒走馬牙疳百驗方

米片

三分

黃連

不犯鐵

括婁

為末

紅褐子

煨存性

黃蠶繭殼

煨存性研各五錢

明礬

一錢五分

五穀蟲

要有尾者瓦上煨

過存性研二錢五分

各末和勻再碾連吹數次立効吹藥時先以米泔

漱淨吹藥後仍以米泔漱淨

又將夜壺底內積垢取出燒灰存性研極細敷牙根
腫爛處立愈

又將蝸牛連殼煨灰存性研極細末吹患處立愈

右二方俱施季泉傳

治小兒心口疼 仲淳定

牽牛

炒八錢

白木香

三錢

檳榔

一兩二錢

紅麴

炒一兩

甘草

炙三錢

橘紅

八錢

綠礬

火煨紅以米醋淬入另研如麵四錢

細末粉糊和丸如梧

子大每四錢白湯吞終身不可食蕎麥

存之幼郎病內傷大小便俱血諸鑿競用紅花桃仁

病愈甚仲淳曰桃仁之類疏其瘀也血且行奈何又

重傷之傷則補之而已以生地黄四錢川續斷及杜仲

牛膝等飲之稍平而腹痛不已仲淳曰是在內經強

者氣盈則愈弱者着而成病加人參二錢一劑而愈

月埠張氏兒十歲自幼心痛得於母氣不時發者發

時飲食不進呻吟反覆三四日仲淳疏方藥入口即

正

檳榔

一錢

黑丑

一錢

木香

五分

使君子

二錢

橘紅

二錢

白茯苓

三錢

白芍藥

二錢

旋覆花

二錢

猪苓

一錢五分

義興楊純父幼兒病寒熱勢甚棘諸醫以為傷寒也

藥之不効仲淳曰此必內傷純父不信徧詢乳媪及

左右並不知所以傷故仲淳固問不已偶一負薪者

自外至聞而訝曰曩見郎君攀竹梢為戲梢折墜地

傷或坐此乎仲淳曰信矣投以活血導滯之劑數服

而起仲淳嘗言古人先望聞問而後切良有深意世

人以多問嘲鑿鑿者含糊胗脉以致兩誤悲夫

猴疔方 此胎毒濕熱從肛門或陰囊邊紅暈

爛起漸至皮膚不結靨不治必爛死

生薑四兩 鰻魚一 共煮爛取濃汁塗之次用貝母灰存

性二錢五分 牛黃 冰片各一錢 共研細末敷之如復發用

綿花油一 大楓子肉 蛇床子 乳香 沒藥共四兩

青黛一兩 五味研細浸油內青布蓋口以青錢壓之數

日後以鷺翎蘸油塗之再用鰻骨灰君 牛黃 冰片

各少許 共為末敷之愈

兒服末藥

人中白一 胡黃連 青黛各五分 辰沙三分 甘草二分 人參

一 共為末蜜調服之

乳母服藥

當歸 黃連 金銀花 桔梗 連翹 川芎 甘

草 山梔 薄荷各等分 水煎服 以上三方馬銘鞠傳

張守為幼郎患癆疔嗜食易饑腹如蜘蛛過數日一

瀉瀉則無度面目黧黑指節中亦幾無剩肉矣其母

亦病診脉緊數骨蒸勞熱大渴引飲淋閉自產後已

然馬銘鞠曰兒病實母病也用麥門冬枇杷葉懷生

地白芍藥青蒿鱉甲之屬以治母用乾蟾為君加犀

角羚羊角白芙蓉花牛黃每用分許日入雞肝內飯

上蒸服以治兒再用滑石白扁豆白茯苓車前子山
 查肉五穀蟲等分為末拌人乳晒乾七次畧入砂仁
 末陳米湯丸彈子大日進兩丸不二十日子母俱痊
 二方絕無藥氣故兒喜啖之

華叔蟾乃郎慢脾風五六日愈愈甫三四日即縱恣
 飲食連浴兩宵復痰壅沉迷面目俱浮胸腹腫滿嘔
 吐乳食不進角弓反張二便交秘有欲進以牛黃丸
 者馬銘鞠曰下咽死矣此病後虛症也然參且勿用

用麥門冬三錢 枇杷葉三片 貝母二錢五分 桑白皮一錢五分 杏仁
一錢 藿香一錢 新鮮大糖球一枚 蒼朮用乳汁炒 橘紅一錢

分二加燈心煎臨服入薑汁逾時小便隨利腹即寬而
 諸證悉退盡劑竟愈以此知嬰兒病後不可不慎即
 此兒半年後下午連食冷鴨子二枚午間又縱恣飲
 食更餘病發上不吐下不瀉胸腹脹滿目閉氣喘身
 熱按其胷腹則雙手來護馬曰食也鴨子黃閉氣得
 水則化今尚在胃口急索大棗數枚煎湯入砂仁錢
 許以通其氣兒渴頓飲碗許氣漸通目開手足亦漸
 流動再煎飲之夜半吐瀉交作次日勿藥而愈

萬中丞涵臺患痰證合琥珀丸不用棄去馬銘鞠曰
 此幼科絕勝藥也開緘而琥珀清香之氣觸鼻入腦

光瑩可愛取之凡遇慢驚所投神驗兼治小兒一切
虛證如華虛舟五郎疳甚善哭週歲中每哭卽氣絕
絕而甦一飯時許矣至三歲外其病日深哭而絕絕
而甦甚至經時初或一月一發半月一發後則頻發
有日再發者投以此藥人參圓眼湯下數丸遂瘥

琥珀丸方

琥珀錢三 天竺黃錢二 人參錢三 茯神錢二 粉甘草錢三 硃砂錢一

五分 山藥兩一 膽星錢二 蓮肉錢三 煉蜜丸硃砂為衣每服錢一

莊歛之艱嗣辛酉幸舉一子未及三月乳婦不善撫
養盛暑中擁衾令卧忽患丹毒遍遊四肢漸延腹背

歛之倉皇來告予曰兒方數月奈何苦之以藥急以
犀角絞鮮梨汁磨服歛之問故予曰犀角能解心熱
而梨汁更能豁痰且味甘則兒易服別疏一方用荆
荆穗二錢半 鼠黏子錢二 懷生地錢四 牡丹皮錢一 玄參錢三
括婁根錢三 薄荷葉錢一 竹葉片百 麥門冬去心四錢 生甘草錢三
連翹錢三 貝母去心三錢 生蒲黃錢二 令煎與乳婦服之乳汁
卽湯液矣歛之依法治之一日夜赤者漸淡再越日
丹盡退後卒以乳婦不戒患驚風而殤

稀痘神方

金銀花為末糖調不住服有效 顧驥宇傳

又方 江右朱以功傳神方也

赤豆小飯 黑豆 菘豆 粉草各一兩 為細末用竹筒

削去皮兩頭留節一頭鑿一孔以藥末入筒中用杉木砧塞緊黃蠟封固外以小繩繫之投入臘月廁中滿一月即取出洗淨風乾每藥一兩配臘月梅花片三錢和勻若得雪中梅花片落地者不着人手以針刺取者更妙如急用入紙封套內略烘即乾兒大者用一錢小者用五分俱以霜後絲瓜藤上小藤絲煎湯調空腹服湯宜多服服後忌葷腥十二日解出黑糞為驗一次可稀三次不出每年服一次

又方 婁江王相公傳甚効

菟絲子半觔好酒浸二宿煮乾去皮 黑玄參四兩 為極細末煉蜜丸

如彈子大每空心白湯調化一九日二次

又方加生地黃 麥門冬各四錢 犀角末一兩

又方

兔腦不去骨兔肚不去糞瑣瑣葡萄五錢 白葡萄五錢 共

炙蜜丸每一錢白湯下此侯少芝方

又方 丁見源比部傳

用白牛虱數百枚焙燥和糖令兒服之服數次有紅點發出此毒解之候也不効再服先頭面次心坎次

腰肚次四肢以漸見點痘必稀白牛惟江北多虱藏牛耳中不多得須多服方効

痘症有二一曰血熱毒盛一曰氣虛毒盛氣虛者可
以徐補血熱毒盛者勢必亟一發熱便口渴面赤氣
喘狂噪譫語此其證也一見點即宜涼血解毒急磨
犀角汁多飲之十可療四五稍遲難抹矣又有血熱
兼氣虛者初發先服涼血解毒之劑五六朝後可以
併力補氣助漿唯初時不早涼血則毒不解毒不解
延至六七朝勢必以參耆助漿漿必不來反滋毒火
又有血熱毒盛似氣虛者初熱放點神思昏亂足冷

痘色白如水窠唯有唇腫口渴辨其火症醫者反以

氣虛治之十無一生孫生東宿療鄭黃門子血熱毒

盛初起急以犀角地黃湯療之不効至用白芍藥錢八

一泄毒解徐補收功家弟玄箸一發熱即譫語唇腫

齒黑痘欲出不出醫者以為發斑傷寒也延仲淳施

季泉不至子曰事急矣以生地錢八白芍藥錢五黃芩黃

連錢各二稍加發藥日三劑勢稍定痘漸次出醫者曰

爾時宜發痘奈何以涼劑遏之子曰解毒即所以發

也未幾季泉至以予言為然第減地黃芍藥之半復

於助漿中兼清涼之劑九十朝漿足卒傷一目仲淳

曰使子之言盡行則目亦可不眇矣屨後方大便此真血熱症也

松江黃綺雲療徐氏兒痘兒幼遇冬月痘不起熾炭圍爐抱兒火邊以酒漿挹火火氣薰兒痘立起

又有痘而腰痛者一醫以人參蘆三兩煎湯飲之一吐

痘起痛尋解叩其故曰毒在下部提之則上升而毒散矣大抵痘家利吐吐中便有散毒之義

施季泉曰凡成婚或破陽後出痘而腰痛者可療童子而腰痛是先天之水不足也不治驚痘易治者以毒由心經出故輕非因恐嚇成驚反易治也其言甚

有味故存之

施君諱一中住良渚去杭州塘棲二十五里

一小兒初痘血熱甚黃綺雲用懷生地三兩濃煎頓飲

其痘紫色立轉紅

臧玉涵次郎年十六因新婚兼酒食忽感痘諸鑿以爲不可治施季泉至八日漿清寒戰咬牙譫語神思

恍惚諸鑿皆欲以保元湯大劑補之季泉以爲不然改用犀角地黃湯得脫痂後忽嘔吐大便燥結淹延

一年羣鑿束手告急仲淳仲淳視其舌多裂文曰必當時未曾解陽明之熱故有是症命以石膏一人參

一麥門冬五錢枇杷葉橘紅竹瀝童便爲佐一劑卽安

再進二劑隔間如冷物隔定父母俱謂必斃仲淳曰不妨當以參湯投之服兩許卽思粥食晚得大便夙疾頓瘳

治痘喘

取白花地丁以水煎服止喘甚神

治火痘毒盛遇火令施季泉傳

白花地丁瀝汁和淡白酒漿少服之立解

治痘泄

長兒痘初熱卽泄日十數行見痘泄不止時鑿以脾胃藥止之愈甚施季泉曰是在不治予強之曰止泄

不難發藥中加黃連

錢二

黃芩

錢一

一劑泄止予喜甚施

君曰非也毒火太熾故泄初泄時卽以解利藥乘熱導之或可望生今遲矣過四日卽欲解毒無及矣坐視七日死

臧玉涵幼兒甫半週身熱一日卽見痘郡有專門知名者延治之云樹小花多頂平脚塌根窠薄百死一生之症也五朝固辭去藥以保元湯爲主擬六朝多人人參加附子疑慮間施季泉忽至曰此險症且誠云必發痒異常須看守嚴密藥用涼劑與前治大別七朝大發痒作瀉一日夜二十餘行或藥水或乳或

湯飲俱傾注不變色舉家謂必無幸矣季泉怡然自
若因強之用參必不許藥內加炒黑黃連瀉止十三
朝復發痒口渴唇燥舌生白胎又加炒黃連白胎去
到底不用參十九朝季泉別又誠曰慎防痘疔口疔
疔之發也必在腦後枕骨間當以收口膏藥貼之禁
用摻藥口疔惟君家人中白散爲妙不數日發疔口
生疔如其言治之輒効季泉口授一家傳秘方治痘
後餘毒如神

人參

白茯苓

金銀花

犀角

各三錢

甘草

一錢五分

麝

羊角

一錢

珍珠

八分

蜜丸

每服

一錢

日二服

一小兒痘泄諸鑿以升澁之劑投之不効黃綺雲至
以白芍藥約三兩餘酒炒一劑卽止此脾虛有熱故
也

治痘虛寒將行漿時作泄

若係火熱泄者不可用

蓮肉

炒去心

一味爲末每末一兩加雲南啞片五分研

勻兒大者用末五分兒小者三分白湯調下立止虛
癢或虛煩躁不止亦如之

于中甫長郎痘患血熱兼氣虛先服解毒藥後毒盡

作泄日數次不止痘平陷矣仲淳以真鴉片五厘加炒

蓮肉末

五分

米飲調飲之泄立止王宇泰繼以人參二兩

黃芪三兩鹿茸三錢煎服補其元氣漿頓足蓋以先服解毒藥已多無餘毒矣故可補而無餘證

存之孫女痘後泄以鷓鴣片如法飲之不止仲淳更以糯米蓮肉作糜一甌立愈

一老醫有孫痘已脫痂少腹脹小水不通衆鑿以為痘後餘毒以水利解毒藥投之愈脹老醫忽悟曰痘後無實證土堅則水清脾虛下陷故也用後方一服立効

人參一兩大棗五枚水薑五片

治痘後脾虛作泄老人患此更効

黃耆四兩人參四兩肉豆蔻二兩五味子四兩山茱萸肉四兩蓮

肉六兩白扁豆四兩白朮三兩為細末棗肉搗膏和丸如彈

子大每用一丸薑湯磨化下

一小兒痘已脫痂初無他苦一鑿視其目精無神帶白曰不可為已逾日亡

治痘痂艱脫血熱又兼血虛故艱脫也尚宜保養俟脫盡乃可見風

人參一錢五分白芍藥酒炒三錢甘草炙一錢麥門冬去心五錢五味

子六錢懷生地四錢金銀花四錢水煎饑時服

痘毒非元氣壯實者不可外治大忌圍敷藥戒之

痘疔神効方

雄黃牛糞尖燒灰存性為末每一錢加冰片二分研細吹患處立愈

治痘後翻癍 不拘上下部腫爛淋漓者俱効

象牙末三錢真珠末三錢白殭蠶二錢孩兒茶一錢五分為極

細末以濟寧胭脂調敷毒水如注漸漸收口

防痘傷目方 吳季泉傳自王府

雌雄檳榔二枚每枚用清水粗碗上磨一百轉隨將痘兒目閉者以口津潤開用鴨毛蘸檳榔水拖眼稍三四次其痘痂即落永不傷目

又方

用真濟寧油胭脂塗眼腔週遭三四次永不傷目試之累驗

治痘後病目兼治血熱病目而脾胃壯實者

天門冬四兩麥門冬四兩枸杞子四兩甘草一兩生地黃八兩五

味子二兩甘菊花三兩玄參三兩地骨皮二兩白蒺藜炒去刺五

兩穀精草三兩木賊草三兩蜜蒙花二兩草決明二兩女真實

同黑豆九蒸九晒六兩槐角四兩羚羊角三兩蜜丸

梁溪一女子痘後目痛上白靨不見物服二十

劑全愈 仲淳立

穀精草二錢草決明炒研一錢五分川黃連酒炒一錢五分懷生地二錢

川芎八分 甘草六分 白蒺藜炒研一錢 柴胡七分 甘菊花二錢 石菖蒲一錢 木賊草五分 玄參一錢五分 連翹一錢 麥門冬二錢

痧癰論并治法

痧癰者手太陰肺足陽明胃二經之火熱發而為病者也小兒居多大人亦時有之殆時氣瘟疫之類歟其證類多咳嗽多嚏眼中如淚多泄瀉多痰多熱多渴多煩悶甚則躁亂咽痛唇焦神昏是其候也治法當以清涼發散為主藥用辛寒甘寒苦寒以升發之惟忌酸收最宜辛散誤施溫補禍不旋踵辛散如荆芥穗乾葛西河柳石膏麻黃鼠黏子清涼如玄參括婁根薄荷竹葉青黛甘寒如麥門冬生甘草蔗漿寒如黃芩黃連黃檗貝母連翹皆應用之藥也量證輕重制劑大小中病則已毋太過焉

痧癰續論

痧癰乃肺胃熱邪所致初發時必咳嗽宜清熱透毒不得止嗽癰後咳嗽但用貝母括婁根甘草麥門冬苦梗玄參薄荷以清餘熱消痰壅則自愈慎勿用五味子等收斂之劑多喘喘者熱邪壅於肺故也慎勿用定喘藥惟應大劑竹葉石膏湯加西河柳兩許玄參薄荷各二錢如冬天寒甚痧毒為寒氣鬱於內不

得透出者加蜜酒炒麻黃一劑立止凡熱勢甚者卽用白虎湯加西河柳忌用升麻服之必喘多泄瀉慎勿止瀉惟用黃連升麻乾葛甘草則瀉自止瘰家不忌瀉瀉則陽明之邪熱得解是亦表裏分消之義也痧後泄瀉及便膿血皆由熱邪內陷故也大忌止澁惟宜升散仍用升麻乾葛白芍藥甘草白扁豆黃連便膿血則加滑石末必自愈痧後牙疳最危外用雄黃牛糞尖煨存性研極細加真片腦一分研勻吹之內用連翹荆芥穗玄參乾葛升麻黃連甘草生地黃水煎加生犀角汁二三十匙調服緩則不可救藥痧後元氣不復脾胃虛弱宜用白芍藥炙甘草爲君蓮肉白扁豆山藥青黛麥門冬龍眼肉爲臣多服必漸強慎勿輕用參朮痧後生瘡不已餘熱未盡故也宜用金銀花連翹荆芥穗玄參甘草懷生地鱉虱胡麻黃連木通濃煎飲之良

痧瘰不宜依證施治惟當治本本者手太陰足陽明二經之邪熱也解其邪熱則諸證自退矣

治痧瘰發不出喘嗽煩悶躁亂

西河柳葉風乾爲細末水調四錢頓服立定此神秘方也砂糖調服兼可治瘰後痢去歲銘鞠救吳少海

子及其姪湯水不入矣逐口強灌之而生今歲張守
為長郎初婚亦危矣治之亦愈皆仲淳法也

又方 仲淳立

蟬蜋錢一鼠黏子炒研一錢五分荆芥穗錢一玄參錢二甘草錢一麥

門冬去心三錢乾葛一錢五分薄荷葉錢一知母蜜炙一錢西河柳錢五

竹葉三十片甚者加石膏錢五冬米撮一又方加三黃

賀知忍少子病痧癩家人不知尚以肉飯與之仲淳

適至驚曰此痧症之極重者何易視之遽以西河柳

兩許雜以玄參錢三知母錢五貝母錢三麥門冬兩許石膏兩半

竹葉七十二片二劑而痧盡現徧體皆赤連進四劑薄暮

矣知忍曰兒今無恙乎仲淳曰痧雖出盡煩躁不止

尚不可保再以石膏兩三知母兩一麥門冬兩三加黃芩

黃連錢各五西河柳兩一竹葉片二百濃煎飲之煩

躁遂定而瘥

冬月痧癩因寒不得發透喘渴悶亂煩躁不定用麻

黃去節湯泡過以蜜酒拌炒加一錢或七八分于治

痧藥中一服立透藥用乾葛麥門冬貝母前胡荆芥

玄參西河柳甘草知母

治痧後下積滯 仲淳立

川黃連酒炒一兩升麻七分乾葛錢八甘草錢四黃芩錢八白芍藥

酒炒滑石如法懷山藥粉和丸白湯吞三五錢

治痧後口瘡

雄黃牛糞尖一個火煨過明礬五分冰片一分皮硝一錢

白礪砂三錢銅青三分能作痛可去之研細以鵝翎管吹入患處

治痧後瘡 仲淳立

鱉甲如法山查肉三錢橘紅二錢貝母三錢竹葉五十炙

甘草七分麥門冬去心知母一錢白茯苓二錢乾葛一錢

柴胡一錢○如不渴去知母渴甚加石膏五錢

廣筆記

腫毒

疔疽一切腫毒神方 仲淳立屢試神驗

生甘菊連根打碎紫花地丁五錢甘草水炙鼠黏子研

一錢括婁根二錢貝母去心金銀花五錢白芷一錢懷生五分

五分白芨三錢連翹二錢加五瓜龍先用夏枯

草六兩河水六碗煎三大碗去渣入煎藥煎一碗不

拘時服潰後加鹽水炒黃芪五錢麥門冬五錢五味子一錢

秘傳治癰疽訣

凡未發疽大熱作渴及愈後作渴大小便秘神昏作

嘔不食不知痛全犯者不治腰痛者不治清便自調
神思清爽能食知痛不嘔夜能睡不發熱易治

癰疽發熱作渴不知痛用黃芪君麥門冬上五味中
甘草下煎湯服大小便秘用大黃下之毒氣攻心神

昏作嘔不食用護心托裏散菉豆粉上硃砂中乳香
下俱為極細末和勻每服三錢白滾湯下

圍陽症瘡瘍

外勢平而不起色黑黯其痛沉在肉裏者用此

紅藥子四兩白芨一兩白欬一兩乳香六錢沒藥六錢硃砂

三錢雄黃三錢麝香一錢冰片一錢黑狗下頰一個煨豌豆粉

一兩各另研為極細末和勻以醋蜜調敷四圍以極滾

熱醋蘸潤兼可服

圍陽症瘡瘍

外勢高腫散大色紅甚者帶紫但發亮鮮明發熱大小便不利用此

大同城以桑皮綿紙襯加桑灰淋汁三分下硃砂雄

黃乳香 沒藥 冰片 白芨 白欬 蟾酥俱中

麝香 牛黃俱下明礬上五倍子 大黃上上各藥另

碾為細末待汁冷和勻入上好小口磁器罐中口上用鉛套套上外以黃蠟封好令固密聽用

炎癰疽藥餅

夜明砂五錢月經布灰存性麝香三分冰片三分乳香一錢沒

藥一錢明礬研細雄黃一錢蕎麥麵拌勻做薄餅放疽

頭上加大炷艾火灸之先令病者吃些米飲及托裏等湯藥每灸至百壯痛者灸至不痛不痛者灸至痛但得一爆其瘡立愈元氣弱者停一會再灸鎮日夜灸方好

治發背及腫毒圍藥

騰黃

二錢五分研細

五倍子末

二兩

米醋調敷圍

治發背神方

一法單用敗龜板一味去肋塗黃蠟炙透內服外敷錫山保安寺僧秘訣也有奇效 馬銘鞠傳

又方

血竭

錢一雄黃

錢一

沒藥

五分

麝香

五厘

研細末用綿紙爲燃

長一尺二寸將藥四五分以真麻油潤燃着燈頭令

病人避風處端坐執燃者離瘡四五分自外而內徐

徐照之瘡上微微覺熱卽心神快爽不可太過恐傷

好肉初用三條每日加一條漸加七條勢消每日減

一條直燻至紅腫消盡爲度可貼太乙膏加琥珀燻

一次隨用敷藥日日如此燻時將猪蹄湯掠去油用

新羊毛筆潤湯將敷藥洗淨始燻燻罷用後敷藥車

前子

連根葉

葶藶草

金銀花

五爪龍

俱用鮮者

各等分

搗爛加多年陳小粉調敷四圍紅腫處中留一孔恐

出膿如瘡口大用芎藭葉滾水泡批開去內涎水拍熟貼之如瘡口久不合恐流膿水再以藥敷之

太乙膏方

玄參白芷生地甘草當歸血餘多 大黃多

治背毒初起 由於鬱者遠志一味可治

遠志肉 甘草汁煮去骨五錢 甘草 一分 甘菊花葉 鮮一兩 貝母 三錢

鮮忍冬藤 五錢 紫花地丁 鮮五錢 連翹 一錢 白芨 三錢

托裏敗毒散

綿黃芪 鹽水炒三錢或五錢或八錢或一兩 甘草節 水炙二錢可加至四五錢 赤芍

藥 二錢 金銀花 三錢 茜草 江西出細如燈心者佳三錢 何首烏 鮮者五錢 真

白殭蠶 炙研六分 白芨 二分 皂角刺 一錢 貝母 去心二錢 括婁根

三錢 穿山甲 土炒研一錢 鼠黏子 炒研一錢 蟬蛻 去翅爪一錢 先用夏

枯草五兩河水五大碗煎三碗入前藥同煎至一碗

不拘時服陰症去後五味加人參 三錢 麥門冬 五錢

潰後服藥

人參 三錢 麥門冬 五錢 綿黃芪 蜜炒五錢 甘草 炙二錢 五味

子 蜜蒸一錢 白芍藥 酒炒三錢 金銀花 三錢 山藥 炒三錢 水二鍾煎

一鍾難得收口加肉桂胃氣弱加生薑 三五片 大棗 三枚

癰疽潰瘍忌木腫瘍忌當歸

替針散

蠶殼一個煨存性爲末酒調下不可多服

去爛肉方

用巴豆炒烟起焦黑爲度碾極細末敷上去舊生新
長肉方

用無人見處自死竹蘸菜油燒滴下油用磁碟盛之
搽上卽生肉神驗

護膜礬蠟丸

白礬明亮者研二兩黃蠟一兩融化提起待稍冷入礬末不住手攪勻加蜜五六錢和勻衆
手丸如梧子大蠟冷不能丸以滾湯燻之便軟硃砂
爲衣每二十九漸加至三四十丸白湯或酒吞此藥

護膜防毒氣內攻未破卽內消已破卽便合一日之
中服百粒方有功終始服過半勛必萬全病愈後服
之尤佳

又方

白礬生研末四兩真黃蠟二兩半加煉蜜七八錢硃砂研如
飛麵水飛如法六錢攪勻急須衆手爲丸如梧子大
每四錢白酒吞

治癰疽對口疔瘡發背一切無名惡腫毒方名
無敵大將軍

桑柴灰將柴另燒取其炭火置一大缸內待其自化
成白灰取一斗綿紙襯入淘籬內清滾水淋

黃華記

五

下汁磁缸盛貯淋至汁味不苦澁鹹則止
將汁入磁碗中重湯燂濃如稀糊為度
法用一斗礦灰即石灰須柴燒者佳三味熬調和勻

名三仙膏亦可點癰疽之稍輕者再和城水熬膏一

兩加入後開細藥則成全方每三仙膏五兩真正自

收蟾酥三錢五分酒化令勻梅花水片二錢真正牛黃一錢珍珠二錢

三味俱研透明雄黃二錢明礬三錢硃砂一錢五分白礬砂二錢

八味另研如飛麵方妙真麝香須用當門子即麝香最上乘

者一錢銅青一錢五分硃砂二分火硝三錢輕粉二錢乳香二錢

打碎人乳沒藥一錢五分各藥研細末和勻再碾數

千下將前膏加入攪得極勻入磁罐內罐須小口者

妙以烏金紙塞口封以好黃蠟勿令一毫氣走每遇

毒取少許塗其頂乾則以米醋和蜜少許潤之其毒

黑血或毒水爆出即時鬆解切忌不可着在好肉上

或用蕎麥麵調若係疔瘡加鐵鏽黃一分研如麵和

入多塗其正頂信宿其根爛出內服紫金錠一錠須

內府者方効若係癰疽等症別服蠟礬丸及托裏解

毒之劑此藥有奪命之功難以盡述倘一時無許多

好藥則製半料亦救人無筭矣

治疔丸

蟾酥三錢冰片一錢麝香七分真白殭蠶一錢五分明礬三錢牛黃

黃章已

一錢 硃砂五分 黃白一錢 占溶成油須令軟冷定加前藥末

和丸如麻子大每七分芎頭白酒吞下取汗汗後即

以半枝蓮為君連翹上 赤芍藥甘草白芨白蘇金銀

花俱 紫花地丁五錢 生甘菊二兩 河水二鍾煎一鍾下大

黃隨病勢加之一滾即起服後必行然須察病人胃

氣壯者可用行後方用敗毒托裏之藥調理之可不

死矣大抵治疔毒在急急則毒氣未走若走黃多不

可治走黃後發狂咬人便能發疔汗下時其穢氣觸

人亦能發疔宜謹避之看瘡瘍疔毒須飲酒以麻油

塗鼻

治疔膏 金太初傳神驗

以透明松香瀝青 各五錢 麻子肉 二錢如冬 三味大青

石上以鐵鎚鎚細鎚至前藥粘在鎚上拈起如清水

一般為度又加飛丹一錢 再鎚數百下取收小磁杯內

如遇初起疔毒以新青布照疔瘡一般大小攤膏藥

貼之痛即止少頃毒水漸漸流盡疔根如燈心一條

拔出仍用原舊膏貼上至重者再換一膏藥全痊矣

攤膏藥小磁盃隔湯燻化竹筴攤膏約一文錢厚

疔毒神驗方

用陳年露天鐵鏽碾如飛麵將金銀簪脚挑破毒處

一孔納鐵鏽末於內仍將皮蓋好少頃黑水流盡中
有白絲如細線慢慢抽盡此疔根也盡卽立愈

又方用甘菊花并根葉搗汁以酒下之立消

顧聖符幼弟患髭疔醫者先用火針圍藥腫脹至目
與鼻俱隱入肉牙關緊急馬銘鞠用患者耳垢齒垢
刮手足指甲屑和勻如豆大放茶匙內燈火上炙少
許取作丸令洗淨圍藥將銀簪挑開疔頭抹入外用
綿紙一層津濕覆之痛立止半日腫半消目可開次
日服仙方活命飲二劑愈此法兼可治紅絲疔長洲
華承溪指節間患之得此而痊又云可治面白疔未

試也此方傳自道人

顧博士伯欽內人左耳患疔時方孕仲淳先以白藥
子末雞子清調塗腹上護胎次以夏枯草甘菊貝母
忍冬地丁之屬大劑飲之一服痛止疔立拔胎亦無
恙白藥子療馬病者也

治耳邊發腫連太陽腮齒俱痛不可忍

大黃一兩青木香三錢姜黃三錢檳榔三錢爲末醋蜜調勻貼

患處中留一孔出氣

治乳鷺

芒硝研細一分膽礬八分雄黃八分明礬八分俱研細和勻吹

入喉中

又方

用蛤蚧草

即土牛膝
葉如荔枝

搗汁灌鼻內右鵞灌左鼻內左

鵞灌右一吐而愈或急不及藥以針或蘆管刺喉令

出黑血復以蜒蚰加烏梅少許搗爛取亂髮裹箸上

塗前藥攪患處去其膩痰則愈矣蜒蚰不能卒辦梅

雨時取製磁瓶內封固久而不壞

纏喉風方

即喉痺仲淳試過有驗

明礬

三錢
去殼

巴豆

七粒

溶礬入巴豆燒至礬枯去巴豆研

細吹入喉中流出熱涎立開

治喉癰內熱

貝母

去心
三錢

鼠黏子

酒炒
二錢

玄參

二錢
五分

射干

二錢
不
甘
辣者是

草

二錢
五分

括婁根

二錢

懷生地

三錢

白殭蠶

一錢
炒研

連翹

一錢

竹葉

二十片

水二鍾煎八分饑時服

倪仲昭患喉癰邑中治喉者遍矣喉漸漸腐去飲食

用粉麵之爛者必仰口而咽每咽泣數行下馬銘鞠

曰此非風火毒也若少年曾患微瘡乎曰未也父母

曾患微瘡乎曰然愈三年而得我銘鞠以為此必誤

服昇藥之故凡患此瘡者中寒涼輕粉之毒毒發於

身昇藥之毒毒發於愈後所生子女毒深者且延及

於孫若甥倘不以治結毒之法治之必死以柑桔湯
為君少入山豆根草龍胆射干每劑用土茯苓半觔
濃煎送下牛黃二分半月而痊竟不用吹藥既而詢
之云父母病時果服丸藥而痊痊後曾口碎非昇藥
而何今鑒家活然用之不曉其中毒之深故特明其
說

喉痺

雄黃 芒硝 各一錢 研細以鷺毛管吹少許數吹立散

但待其腫甚而吹為妙

又方用半枝蓮搗汁吃立散其渣須藏於家中勿令

見風

吹喉方

治雙鷺單鷺神效

火硝 一錢五分 官硼砂 五分 片腦 三厘即 雄黃 一分不 鷺管

蘆管銀管共可盛吹前藥用三匙吹上喉即吐痰涎

愈從鼻孔中吹入亦效

療癰丸方

貝母 去心二兩 天花粉 一兩 玄參 一兩 甘草 一兩 斑貓 占

炒去頭 肥皂 二觔每一肥皂去核入斑貓四個線縛

足聽用 蒸取出去斑貓并肥皂皮筋淨肉十兩

前藥為末共搗如泥丸如梧子大每服一錢白滾湯
吞服後腹疼勿慮此藥力追毒之故

吹一

田

又方

取過冬青即荔枝草正名天明精五六枝同鯽魚入鍋煮熟去

草及魚食汁數次即愈

朱文學鑱患癰伸淳為灸肩井肘尖兩穴各數壯而

愈

治療癰 回燕膏伸淳試之有效

真芝蔴油二兩胎髮四兩如無以童男髮洗淨代之川山甲五錢白礬飛

一兩黃蠟四兩飛丹二兩松香六兩輕粉五錢乳香沒藥各

錢另燕窩泥朝北者二兩五靈脂淘淨五錢麝香另研五錢蜜陀

僧五錢將川山甲五靈脂煎數沸下胎髮熬溶瀝去渣

稱淨熟油二十四兩仍入鍋內下白礬煎二三沸下

黃蠟黃丹煎一沸下松香官粉六兩再煎一沸下燕

土如沉香色滴水成珠住火方下乳香沒藥攪勻少

頃下輕粉桃柳枝攪溫可入手然後投麝香攪勻水

浸去火毒七日用貼癰癰未破者軟已潰者乾內服

夏枯草湯

夏枯草湯

金銀花五錢夏枯草二兩柴胡七分貝母二錢土茯苓白色者二兩

鼠黏子一錢鰲虱一錢胡麻仁二錢酸棗仁二錢瓜婁仁二錢

炒畧陳皮一錢皂角子一錢白芍藥一錢當歸身二錢粉甘草

服 一錢 荆芥穗 一錢 連翹 五分 何首烏 五錢 漏蘆 二錢 水煎食後

又方

夏枯草 蛇苗草 紫背天葵 紫花地丁 金銀

花 九龍草或汁者汁或末者末俱要以好酒調服

又方

藻星膏兼治魚口一切等瘡

巴荳

一兩炒黃色復以紙條點火燒之候黑色用

海藻 二錢

昆布

一錢炒產海中

天南星

一錢切碎醋浸二日炒

升麻 五分

天花粉 五分

炒

各為極細

末以香油和成稀膏用文火熬候燒乾入巴荳下巴

荳後畧熬退火冬月加巴荳 五錢 南星 一錢 夏月減南星

五分 加天花粉 一錢

治熱癰

廖憲副夢衡傳

黃梅水時取新出蝦蟆

黑而細者是

置瓶內木蓋口蠟封

埋地下久化成清水取出蘸抹之兼可治疔疽

治對口癰

試之神效

鮮茄蒂 七個 鮮何首烏

輕重等分

水二鍾煎八分一服出膿

再服收口

又方

金銀花

一兩淨

木槿樹根皮

一兩切片

酒水各一碗煎食後

服面上疔加白芷

一錢 蒲公英

即直下根

和黃蜆打爛罨患

處以真麻布包之三日立愈

梁谿一女子頰下發一硬塊而不痛有似石癭

仲淳疏方服十劑全消

貝母

去心三錢連翹二錢鼠黏子酒炒研一錢五分括婁根二錢金銀

花

五錢何首烏去皮竹刀切片三錢白芨二錢蒼耳子研細一錢五分生甘

菊

五錢青木香一錢五分紫花地丁五錢先用夏枯草五兩河水

五碗煎至三碗去渣納煎藥同煎至一碗

敷藥方

南星

三兩海藻 昆布 檳榔 薑黃 白礬 猪牙

皂角

各一兩細末醋調敷

梁谿一婦人生癰臂上服此半日立出血膿愈

連翹

二錢白芷二錢甘菊一兩紫花地丁五錢白芨二錢粉甘草

金銀花

五錢生地三錢地榆四錢皂角刺一錢括婁根二錢茜

草

三錢鼠黏子一錢

治肺癰 馬銘鞠傳

其法用百年芥菜鹵久窹地中者數匙立起此鹵嘉

興府城中大家多藏之目擊神效

又方

魚腥草水煮不住口食之治肺癰吐膿血神方也正

名葢草 兼治魚口

又方

金絲荷葉搗汁同生白酒數飲立効

乳癖乳痛方 神驗

用活鯽魚一個山藥一段如魚長同搗汁敷乳上以紙蓋之

立愈

乳癖方 張王屋屠後江孟脩兄驗過

白芷錢一雄鼠糞錢一二種曬乾為末用好酒調服必多

飲取一醺睡而愈 雄鼠糞尖者是

又方

顧文學又善內人患左乳岩仲淳立一方夏枯草蒲

公英為君金銀花漏蘆為臣貝母橘葉甘菊花雄鼠

糞連翹白芷紫花地丁山茨菰炙甘草瓜萋茜根陳

皮乳香沒藥為佐使另用夏枯草煎濃汁丸之服觔

許而消三年後右乳復患用舊存餘藥服之亦消後

以此方治數人俱効

里中婦沈姓者患乳癰潰爛經年不見臟腑者一膜

爾馬銘鞠用鼠糞錢三土棟樹子三錢經霜者佳川棟不用露蜂房

錢三俱煨存性各取淨末和勻每服三錢酒下間兩日

一服痛即止不數日膿盡收斂此方傳自江西販糖

客因治祝氏喉證得之

圍藥

白芨

研末一兩

水調敷乳癬處候乾再以水潤二三次愈

會膿散

治腹中腫毒

川山甲

炙

白殭蠶

炒去絲嘴

白芷

各五錢

大黃

二兩乳香

沒

藥五靈脂

各五錢

為末每服五錢酒服膿從大便出

幼者用三錢

治脇癰

杜武服之甚驗

金銀花

五錢

貝母

二錢皂角刺

一錢五分

連翹

一錢五分

川山甲

赤芍藥

三錢

白芷

一錢五分

地榆

五錢

甘草節

一錢

當歸

枯草

一兩煎汁

鼠黏子

一錢五分

紫花地丁

一兩

生甘菊花

根二兩搗汁和藥內服

一人患腸癰偃僕痛不能伸有道人教以飲純黃犬

血二碗和白酒服其人遂飲至四碗次日下膿血盡

而瘳

治便毒

仲淳親試之甚驗加穿山甲同患處者二片土炒引經更妙

棉地榆四兩白酒三碗煎一碗空心服雖有膿者亦愈

又方

棉地榆四兩粉甘草

一兩金銀花

一兩白芷

三錢皂角刺

二錢五分

水二鍾煎一鍾空心溫服

治下疳

仲淳治數友下疳用黃栢官粉膩粉杏仁珠末冰片敷之無不愈者後去膩粉杏仁加黃芩更以小大蘆地骨皮湯洗淨敷之効更良

又方

蟬腿七分真白殭蠶紫蘇葉包杏仁七粒去皮尖芭蕉根五錢
獨核肥皂仁七粒雪裏紅一把打爛土茯苓白色者去皮二兩白
蘇皮一錢牛膝二錢黃栢一錢木通七分皂莢核七粒薏苡仁二錢
連翹一錢漢防已酒浸六分甘草節一錢石斛三錢柴胡六分草薺二錢
地骨皮二錢水三大碗煎不拘時饑則服日三服氣
虛脾弱加蜜炙黃芪三錢血虛加生地三錢

又極秘神方

治一切極痛下疳仲淳屢用甚効

鮮小蘆 鮮地骨皮各五兩煎濃汁浸之不三四日即愈

治蛙疔服藥

珍珠生研牙末 牛黃 冰片各一錢真白殭蠶 皂角各二錢滴乳石一兩研細如飛麵細末每服九厘土茯苓湯吞下以乾物壓之

蛙疔摻方

橄欖燒灰研細末摻上

治痔瘡出血過多東垣名黑地黃丸減晉叔試之効

生懷慶一筋酒洗淨用水煮連汁茅山蒼木筋切

麻油浸一日夜北五味半筋晒乾為末炒黑乾薑淨木八錢用黑

棗肉半筋去皮入前藥搗丸空心白湯每服三錢

治痔瘡 歸安陳汝良傳

用荔枝草即天明精一名地菘煎湯洗仍以草手搓

軟塞患處

治漏

鉛花四兩研如麵黃牛腮邊合扇骨二兩酥炙燥為末雄猪前脚

蛤二兩酥炙燥為末青黛二兩人中白二兩將藥總置

陽城罐內用鐵油盞鹽泥封好置淘濕大米數粒於

盞上四面用火煨以米熟為度取出研細煨空丸如

梧子大每五錢空心下午各進一服淡鹽湯吞水白

酒二杯以猪蹄下酒醋紫蘇畧吃些亦可

坐板瘡方 丁右武親驗有效

松香五錢研細雄黃一錢研細如濕癢加蒼朮三錢各末和勻以

綿紙包裹撚成紙撚二條臘月猪油浸透點火燒着

取滴下油搽上立効

治臀癰

一人患臀癰用五爪龍連枝搗汁酒漉服日進四五

次膿從大便出未成膿者內消如有頭以渣敷上立

散治魚口極効

治下部火丹 馬銘鞠傳

用蠶砂山梔黃連黃芩黃檗大黃寒水石共末水調敷上立効 切勿用芭蕉根

又方

川黃連末蜜和雞子清調敷 馬銘鞠云若遇抱頭

火丹必砭去惡血方効每用此法治人其不肯砭者多誤事 予家兒輩試之甚驗

煎方

牛膝四錢木瓜二錢石斛三錢生地五錢連翹三錢黃檗二錢甘草

金銀花錢五地榆錢三茜草錢三赤芍藥錢二水煎服

治懸癰 一名鶴口疽生在陰囊後穀道前保之不早變為漏則難治矣一僕試之消

大粉甘草一每根劈作四片或二片用泉水二碗輪

流蘸炙以水盡為度切片河水十碗熬至一碗空腹

服盡即愈 此孫真人方

談公武患跨馬癰外勢不腫毒內攻膿多瘡口甚小

突出如指大一塊觸之痛不可忍多飲寒劑外敷涼

藥毒內攻胃氣俱損銘鞠盡去圍藥洗淨瘡口但用

一膏藥以護其風用大劑黃芪山藥懷生地白芷牛

膝米仁金銀花雜以健脾藥十餘劑膿盡再數劑肉

長突出者平矣後服六味丸勸許精神始復

江都尹奉麓乃尊斃於腿癰其子九歲亦患之就醫

彌月勢漸盛銘鞠按之堅如石幸兒氣厚可內消用

牛膝薏苡地榆生地鼠黏子金銀花連翹粉草皆仲

淳常用法也初劑加利藥微利之即稍寬過兩劑加

汗藥微汗之勢益寬至數劑取川山甲末錢五半入煎

半調藥送下兒善飲令兒一醉自此頓消半月地下

行矣初一醫欲開刀遇銘鞠中止凡外科宜以開刀

為戒

梁谿一男子生癰膝下楚甚仲淳適至即於席

間作劑服之飲酒數杯癰立破出鮮血愈

連翹二錢白芷二錢粉甘草水炙金銀花五錢牛膝三錢懷生

地三錢地榆四錢皂角刺一錢鼠黏子酒炒研

陸封公養質患腿癰瘍醫用忍冬花角刺連翹白芷

貝母天花粉陳皮乳香沒藥治之不効仲淳即前方

加綿地榆炙甘草紫花地丁服三四劑愈

治鶴膝風一人患此五年敷藥三日即愈王心

乳香各一錢沒藥五分地骨皮三錢無名異五錢麝香一分各

為末用車前草搗汁入老酒少許調敷患處

癩瘡方章宇泰傳六郎乳母試之神効

松香兩一輕粉錢三乳香錢五細茶錢五四味共打成膏先將
芎頭花椒煎濃湯燻洗淨用布攤膏厚貼患處以絹
縛定黃水流盡爛肉生肌

又方 曹和尚傳

松香兩四好韶粉兩二先將松香投入滾水中一撈即起
另研如飛麵後加韶粉研勻入真麻油勿令太薄調
如極稠糊用筋挑起以不斷絲為度仍用極緊細松
江布攤成膏貼於瘡上將寸許潤壯絹條繫急勿使
泄氣一日收緊三次三日一換膏藥半月必愈

癩瘡久不愈方

黃占 白占 輕粉 韶粉 臘月猪板油麻油各
半化勻調和前藥用薄油紙攤貼瘡上血風瘡久不
結痂亦妙入芝蔴油乳香更妙

足指疔毒

生甘菊一兩紫花地丁八錢金銀花藤一兩穿山甲三片

研木瓜二錢牛膝五錢薏苡一兩生地五錢連翹三錢白芨三錢夏

枯草六兩

李行甫患癩瘡俗呼廣瘡誤用水銀番礬等藥搓五心三

日間舌爛齒脫喉潰穢氣滿室吐出腐肉如猪肝色
湯水不入腹脹二便不通醫皆謝去獨用治喉藥吹

喉痰壅愈甚痛難忍幾死銘鞠按其腹不痛雖脹滿未堅猶未及心知水銀毒入腹未深法宜以鉛收之急用黑鉛筋餘分作百餘塊加大劑甘桔湯料金銀花粉草各用四五兩水二三十碗鍋內濃煎先取三四碗入湯注中徐灌之任其自流逾時舌漸轉動口亦漱淨卽令恣飲數盞另取渣再煎連前濃汁頻濯手足次日二便去黑水無筭始安方用吹口藥及敗毒托裏藥數劑而愈後賈僕有顏孝者亦患徽瘡誤用水銀薰條其證一如行甫卽以前法治之次日立起

治徽瘡

猪胰子二兩 金銀花二錢 皂角刺一錢 芭蕉根一兩 雪裡紅一錢
五加皮二錢 土茯苓二兩 皂莢子七粒 獨核肥皂仁七粒
白殭蠶分 木瓜一錢 白蘚皮一錢 蟬蜋一錢 年久力衰者加薏苡仁五錢 甘草節二錢 綿黃芪三錢 懷生地二錢
參二錢 久不愈加胡黃連三錢 胡麻仁二錢 全蝎七枚 水三大碗煎一碗不拘時饑則服

又方

棉花子仁一味研如泥入細槐花末和丸如菜荳大每四錢空心及饑時吞

治結毒

獨核肥皂仁七粒千年矮即雪裡紅一兩皂莢子七粒甘草節一錢

五木瓜一錢五分蟬蜋一錢青木香一錢土茯苓二兩綿黃

芪鹽水炒三錢白僵蠶蜜炙炒研七分鱉虱胡麻仁炒研三錢白芷一錢

何首烏三錢金銀花三錢連翹一錢水三大碗煎一碗不拘時饑則服

結毒丸方

鍾乳石研如飛麩水飛一兩五錢真牛黃研如飛麩三錢珍珠研如飛麩四錢猪

牙皂角去皮膜為極細末七錢樺皮灰存性研如飛麩四錢百草霜庄家鍋底

者佳

牛黃丸 神効

牛黃真者研細三錢象牙末三錢白僵蠶二錢紅鉛二錢冰片五分明

礬二錢極細末煉蜜丸如麻子大每服五分土茯苓白色者木槌打碎三兩

砂鍋內煮汁吞丸藥空心上下午饑時日三次

洗方

五倍子四兩地骨皮四兩皮硝五錢甘草二兩苦參四兩芎頭十個

河水煎濃湯一鍋於無風處乘熱蘸日浴三次浴時

先吃飽或服煎藥一貼忌食茶醋牛肉麩河鮑火酒

摻方

粉霜一錢五分廿
真冰片三分二味和勻洗淨搽上
立瘥

浸酒方

防風 當歸 羌活 白芷 白蘚皮 五加皮

蒼朮 牛膝各二兩 荆芥 薏苡 蔓荊子 木瓜

白蒺藜去刺各一兩 生地黄三兩 烏稍蛇出吳江尹山方好額者佳一尾

酒十觔浸煮三炷香卧時服丸亦可

治頭面結毒

斷艾去筋膜一兩 川椒去核八錢 麻黃去節二錢 川芎二錢 猪頭天靈

蓋火煨存性五錢 白茯苓二兩 極細末蒸餅丸如棗葶大飯後

白湯送下每服三錢服後二三日瘡口乾燥不臭是

其效也服至瘡口平復方住 忌牛羊魚腥房慾患

久者宜間服十全大補湯十數劑川椒出桃花洞者佳嚼半粒口辣不

能言者真每兩價五分

又治結毒方 兼治積年虛勞痰火健脾進食

極木一名十大功勞一名貓兒殘俗呼光菰櫃 黑子者是

紅子者名樞木亦可用取其葉或泡湯或為末不住

服

譚公亮患結毒醫用五寶丹餌之三年不効仲淳云

五寶丹非完方也無紅鉛靈柴不能奏功時無紅鉛

姑以松脂鉛粉麻油調敷應手而滅公亮先用喬伯
珪所贈乳香膏止痛生肌甚捷及用此二味功效彌
良乃知方藥中病不在珍貴之劑也

又方

銀硃錢三輕粉錢三白錢三黃錢三用麻油兩三先將二占
化勻調前藥末攤成膏貼之戒房事必効

凡父母正患徽瘡時育兒鮮有免者其證渾身破爛
自頂至踵兩目外幾無完膚日夜號泣或吐或瀉似
瘡似驚變態百出父母不知見有他證別作治療十
無一生治法以牛黃爲君稍加犀角羚羊角硃砂水

麝和入土茯苓粉生蜜調服使兒日日利去惡毒見
有他證隨宜治之母亦隨宜用藥加以散毒劑不住
口服其外用大粉草金銀花爲極細末二三升破爛
處洗淨大握敷之半月後方易神効敷藥再敷數日
自愈愈後一兩月當復發再後兩三月當再復發發
漸輕仍如法治之自愈愈後或口角眉角或肛門存
二三餘毒不必治矣其混身或癩或瘡忽聚忽散敷
之便愈大抵年餘始得除根若母不禁口或兒漸大
不能禁口有延至二三年者然不斃足矣胎中之毒
徹骨入髓焉能旦夕除哉 馬銘鞠傳

昇藥五靈散 馬銘鞠傳

膽礬 治筋而滋肝其色青應東方木 辰砂 養血而益心其色赤應南方火 雄黃 長肉而補

脾其色黃 明礬 理脂膏而助肺其色白應西方金 磁石 榮骨液而壯腎其色黑應

北方 此方見焦氏筆乘喜其不用水銀製而用之功

効遲緩後因加水銀一兩與前五味等分和勻入陽

城礮內打火三香取出加敷藥中用之效如神

神效敷藥方 馬銘鞠傳

夜合花 白者良陰乾 象皮 同黃砂炒候軟切 梛香 炒 乳香

沒藥 各去汗 血竭 孩兒茶 濕紙包煨 花蕊石 五倍子 色

紅者良半生 白占 八錢 珍珠 五錢 冰片 一錢 各極細末方入

白占研勻最後入冰片如欲去腐每兩加五靈散

欲生肌每兩加前散三分或五分如治痘後膿水淋

滴下疳等瘡只加一二分治湯火傷每兩加絲綿灰

二錢 剔牙松皮 煨存性五六錢 韶粉煨黃 五六錢 或乾摻或香油

調一切外症俱效

附海上單方

里中有周七者少年曾患毒左腋下得一異方用糯

米炊飲乘熱入鹽塊夾芎管少許搗極爛如膏貼患

處輒消至中年腰間忽生一毒熱如火板硬痛不可

忍徇僕跼躄自分必死屢藥不効急思前方如法貼

廣筆記
之未幾大便去糞如宿垢甚多硬者漸軟數日而起

廣筆記

雜症

腦漏

腦者諸陽之會而爲髓之海其位高其氣清忽下濁者其變也東垣云上焦元氣不足則腦爲之不滿經云膽移熱於腦爲鼻淵夫髓者至精之物爲水之屬腦者至陽之物清氣所居今爲濁氣邪熱所干遂下臭濁之汁是火能消物腦有所傷也治法先宜清肅上焦氣道繼以鎮墜心火補養水源此其大畧耳藥多取夫辛涼者辛爲金而入肺有清肅之義故每用

以引散上焦之邪如薄荷荆芥甘菊連翹升麻鼠粘
天麻之屬鎮墜心火補養水源如犀角人參天冬麥
冬五味朱砂甘草山藥生地茯苓牡丹皮之屬然須
兼理乎肺肝蓋鼻乃肺之竅而為腦氣宣通之路又
治乎上焦而行清肅之令膽為春升少陽之氣與厥
陰為表裡而上屬於腦戴人有云膽與三焦尋火治
內經謂膽熱所干義亦明矣理肺用桑皮鼠粘桔梗
二冬花粉竹瀝清肝膽以柴胡白芍羚羊竹茹棗仁
川芎或者又謂世人多用辛溫辛熱之藥取効此義
何居蓋辛熱甘溫多能宣通發散故病之微者亦能
奏効耳此從治劫法非不易常經明者察之

頭風神方

沈觀願中丞傳自一道人予僕婦患此痛甚欲自縊服二劑數年不發

土茯苓

思鐵四兩

金銀花

錢三

蔓荊子

錢一

玄參

八分

防風

錢一明

天麻

錢一

辛夷花

分五

川芎

分五

黑豆

四十九粒

燈心

二十根

河水井水各一鍾半煎一鍾服

治半邊頭痛

屬火證者用之妙

大黃末

分三

黃芩末

錢一

二味和生白酒一碗頓熱調勻

服之即愈

又方

用芝蔴炒熟春碎乘熱將好燒酒入磁器中重湯熱

入芝蔴扎緊只用一芴管孔插入磁瓶口內引鼻吸其氣左則薰左右亦如之虛寒用燒酒虛熱用好米醋代之內服對病方藥

欝證

紀華山先生雅自負數奇更無子時邑邑不快漸至痞脹四年肌肉盡削自分死矣姑蘇張漣水胗而戲之曰公那須藥一第便當霍然以當歸六錢韭菜子一兩香附童便炒八錢下之紀有難色不得已減其半張曰作二劑耶一服夜夢遺舉家慟哭張拍案曰吾正欲其通爾仍以前半劑進胃膈間若勇士猛力一擁解黑糞數升尋啜粥二碗再明日巾櫛起見客矣逾年生一子即表弟汝占也

治筋骨疼甚如夾板狀痛不可忍者

李景渠中丞傳

將驪子脩下蹄爪燒灰存性研末或酒白湯調服立愈

癩症方

名補心寧志丸

天竺黃另研如麵五錢沉香另研如麵三錢天門冬去心酒洗蒸二兩白芍

藥酒炒三兩白茯苓去心四兩遠志肉甘草汁浸蒸二兩麥門冬去心二兩

炙甘草六錢旋覆花一兩五錢真蘇子研一兩香附醋浸晒乾童便拌九

上炒半夏薑汁拌以明礬末少許同浸二兩皂角炭不蛀者去黑皮酥炒去子取末

二兩為末和勻懷山藥粉糊丸如豌豆大硃砂一兩研如法為衣每服三錢用竹瀝點湯下

風癩病神方

好生犀角兩四剉末每用一兩加清水十碗入砂鍋內熬至一碗濾淨再加水十碗熬至二酒杯加淡竹葉兩四水六碗煎二碗去渣加犀角汁同服盡四劑即愈

治火上升有痰留滯喉間如有核上法宜降氣

清火

真蘇子

研二錢

廣橘紅

三錢

貝母

三錢

括蕁根

三錢

白茯苓

三錢

麥門冬

五錢

白芍藥

三錢

黑連翹

一錢

黃檗

蜜炙一錢

五

錢五分

味子

一錢

水煎加竹瀝服

施靈脩有一里人善酒卧床褥者三年靈脩憐而索

方於仲淳仲淳親胗之知其酒病也夫酒濕熱之物

多飲者濕熱之邪貫於陽明濕熱勝則下客於腎而

為骨痠昔人治痠病取陽明以五味子為君黃連臣

麥門冬乾葛白扁豆為佐服之立起

治血痞沉香丸

沉香

血竭

辰砂

各二錢五分

木香

一錢三分

真麝香

一錢三分

琥珀

五分

當歸尾

二錢五分

牡丹皮

二錢五分

延胡索

一錢五分

為細

末用磁器煎甘草湯打糯米糊為丸凡氣痛酒磨芎

湯亦可產後血塊酒磨服

烏髮神方

女貞實一斗如法洗皮每斗用馬料黑豆一斗揀淨
淘洗晒乾同蒸透九蒸九晒先將女貞實為末加生
薑自然汁三兩好川椒去閉口者及蒂為末三兩同
黑豆末和勻蜜丸如梧子大先食服四五錢白湯或
酒吞

又方

將鱧腸草採鮮者二三十觔搗汁入九蒸九晒過女
貞實末再晒乾如前為丸亦佳但服之腹痛作泄不

若薑汁椒末為佳蒸女貞實先將上好老酒浸一

次日用黑豆蒸如此者九以其性寒故也更服八珍

九以實根本

又方

舊傳女貞實旱蓮草二方試之甚驗苦于
腹痛作泄仲淳再為更定涼血兼理脾

何首烏

勿去皮烏豆同牛膝蒸製如常法最後
用人乳浸晒三四次赤白各二觔

女貞實

酒拌九蒸
九晒二觔

旱蓮草

熬膏十
二兩

烏飯子膏

即南竺
枝子也

茅山朮

米泔浸蒸晒三次
去皮切片十二兩

真川椒紅

十二兩去
白膜閉口

勿用沒石子十兩為細末以旱蓮草膏烏飯子膏同煉蜜

和丸如梧子大每五錢空心饑時各一服白湯吞

碧霞丹

治內障外障暴赤眼眇淚昏花翳膜

當歸 沒藥各二錢 血竭 白丁香 硼砂 冰片

麝香各一錢 馬牙硝 乳香各五分 俱極細末比飛麩更

細三五倍以川黃連去鬚切片三錢熬成膏子和前

藥為丸如豆大用銅綠一兩五錢為衣每用一丸以

新汲水半盞浸磁盒內日洗五六次一丸可洗七日

重者半月輕者七日迎風冷淚三日見效賀知忍傳

洗眼方 仲淳立予親試驗

皮硝一兩 杏仁去皮 銅綠 明礬各三分 側柏葉三錢 甘菊

花三錢 桑白皮五錢 河水五碗煎至二大碗置銅盆內洗

眼及眉稜骨兩太陽涕出即爽然矣日夜不拘次數

一服冬可半月夏十日

牙痛方 鄧定宇先生傳

經霜西瓜皮燒灰敷患處牙縫內立効

擦牙散 章泰宇傳

石膏半觔 煨熟 白蒺藜去刺 為極細末每日擦牙嗽口

牙痛時頻頻擦之立愈

又方 陳筠翁傳自江陰云旱蓮草開紅花者與此地不類

旱蓮草以青鹽醃一二宿晒乾為極細末置磁罐內

擦牙以沸湯嗽口嚥下久久兼能烏鬚種子

治胃火牙疼

牙一

馬蘭頭葉并放水溝內青苔搗爛以絲綿卷之左齒痛塞左耳右亦然

治聾 王槐亭服之驗

白蒺藜炒去刺為末蜜丸空心服 沈四明相公專服

此方延年益壽

治耳中癰痛或出水出膿

金絲荷葉即名虎耳草搗汁滴入耳中如有膿可加枯礬

未及乾胭脂末各少許

又方

用鮮薄荷葉同蝸牛搗汁滴耳中亦妙

俗奉常女臂患紫雲風仲淳用稀蒼耳雄黃末之

醉漆為丸或疑漆有毒競沮之然竟以此藥收功製漆

用生蟹黃攪和可化作水入藥

稀蒼丸 治爛風及風癩作癢如神

稀蒼草取末調吞治癰瘰甚驗初時以人參蘇木等

分熬膏和酒吞傷損皆除曾有八十老人試過五七

九月採近根處剝開有小蟲一條能治小兒疳症

解牛肉毒

取蝦蟆一隻置滾酒內數沸去蝦蟆飲酒一吐即愈

又方 馬銘鞠傳

用甘菊花連根葉搗爛和酒服一兩碗立愈

治疝氣痛方

顧冲吾司馬傳表兄
李瀛洲試之神驗

六味地黄丸古方加北五味三兩肉桂二兩味
甘者真枸杞子

去蒂車前子米泔浸
蒸三兩將糯米一斗炊飯乘熱下白酒

藥并前藥料和勻如常製白酒法三兩日後漿來用

上好鏡面燒酒五十觔連酒漿并糟入大甕內泥封

固一月開去糟濾清酒味甘香異常空心或饑時隨

量飲飲多不渴

疝攻上作痛秘方 陳敬泉親驗

牛蒡子根有葉時用根葉搗爛絞汁和好酒服之覆

被出汗永不發

木腎方

川荳田中菟絲子草一名黃
絲草煎濃湯洗之時以手搓

之隨消

治便紅或因酒毒發者 南昌鄧思濟傳

先用川黃連去鬚切
片酒炒細末一服二錢空心白酒調下

忌暈腥一日服連末後必腹痛去血愈多復用白芍

藥兩白朮錢五甘草錢三同炒揀開先用白芍藥煎湯服

腹痛自止後以白朮甘草同煎服遂愈又一法以粳

米三分糯米七分煮粥空腹服遂愈此無他補胃氣

則陽明調所以便紅自除也

腸風

黃芪蜜炙三錢 白芍藥酒炒三錢 炙甘草一錢 麥門冬去心五錢 生地

酒洗四錢 當歸酒洗二錢 荆芥炒一錢 白芷一錢 柴胡五分 地榆酒洗三錢

人參一錢 五味子八分 去枯者 河水二鍾煎八分空腹

饑時服

治腸風

因飲酒過多得之者効甚

專服北五味打碎蜜蒸為細末蜜丸每清晨服三錢服至半年因味酸甚服後喉中覺吞酸加熟地黃等分為丸服久腸風頓止

治獐犬傷

野葡萄根搗汁酒服

治蜈蚣傷

用舊竹筴火中將頭上燒黑取下少許研細敷患處立愈

又方 馬銘鞠傳

一法取蜒蝥塗上其痛立止屢試神驗

治蛇傷

雄黃 雌黃 等分極細末先以白芷磨菜油調塗患處以溫火薰之滴盡黃水為度水出腫漸消

吳三

又方

明礬 麝香 二味為末摻上以艾灸之隨灸隨消

又方

慎火草 即墻頭草 色綠極脆 搗汁同酒飲一面搗敷咬傷處立

愈

一婦人於壁上取雞翎卷耳適蜈蚣生子在翎上帶入耳中生小蜈蚣穿腦內且痛且癢百藥莫効夢神人傳一方令炒雞肉熱置一器內留一小孔蓋上令病者以耳受之雞氣薰入蜈蚣悉攢雞肉上其病立愈

跌打秘方

用露天糞窖中磚瓦塊多年者或碗架濁水長流處磚瓦塊火煨紅研極細跌打傷者酒調服五分立愈未打服之可不痛不宜多服令人骨軟

金瘡并跌打破損出血方

煉過雲母粉菜油調敷立止痛更不作膿 雲母四錢 一百觔

金瘡止血方

真番降香 紫糖色者真切如荳 大炒畧焦研再炒 五味子 兩 二味共研

敷上

又方

共一號

人三五

舊毡帽簷燒灰敷上 舊網巾灰亦好

金石湯火跌損方

用花藍石舊家有用為几上小屏風者取三錢為極細末真麻油調敷患處當日者立愈隔日敷之痛輕易收口 亦治產後瘀血攻心血暈神丹

桃花散治跌損刀傷狗咬爛脚

用陳年風化石灰一官升錦紋大黃一兩焙燥研末并石灰

炒桃花色存性真麻油調敷患處當日敷之更妙

火傷兼治湯泡方

大松樹皮 川大黃 二味等分為細末生桐油調

敷立愈

又方

用大黃一味為細末砂糖調敷立愈

火燒爛神方

將好煮酒一二甕入浴缸內令患者浸酒中極重不
死

又方

用鼠初生者以真藤油浸之入磁瓶內封固患者將油搽上痛處即愈

湯火神驗方 佳方

火也号

猪毛煨存性研細末加輕粉白礬砂少許麻油調和敷之立效無癰痕

治水滄 出說海

凡遇溺水者視其心坎尚温以圓器覆地下置門一扇於上令死者仰卧以鴨血灌之口中或大小便出水卽甦

臨杖預服藥 湖州司獄司內杖單神効

胎元 一個煨存性 黑犬對前脚上邊頂骨一副 酥炙存性 川麻皮 煨存性 麝香 五分 乳香 五分 沒藥 各五分 煉蜜丸如梧子大每服三錢酒吞

杖後煎劑

紅花 錢各一 延胡索 錢各二 牛膝 錢各三 牡丹皮 錢各三 五靈脂 錢各二 番降香 錢各二 炙甘草 七分 桃仁 七分 肉桂 五分 水酒煎若傷重出虛汗加參耆

杖丹

風化石灰 君 真番降香末 上 半夏末 上 黃芩 黃連 黃檗 大黃 俱中 爲細末麻油調敷患處

杖丹散血

龍鬚草 二兩 大黃 三兩 二味爲末用麻油一筋蒸大黃焦色濾淨去渣加後藥 樟腦 一兩 麝香 四錢 冰片 四錢 降

香末一兩乳香各五錢沒藥各五錢自然銅燒紅醋淬九次研細如烟六錢共熬成膏藥先割碎杖處用軟帛攤成膏繫於杖處蒸熟熱韭菜熨之黑血出盡愈

杖丹長肉

臘月猪油一兩白占各二兩黃占各二兩黃連四兩以猪油熬黃連轉焦色去渣下占熬敷上帛紮緊自愈

湯洗

用芎頭煮爛揩洗杖瘡傷

治杖夾神方

狗胎封固煨五分遠年糞缸內瓦片醋淬七次二錢雄黃一分硃砂一分

一分木香五分麝香三厘細末和勻用芋芋活最能活血搗爛絞汁和丸金箔為衣酒磨下

杖傷丸方

乳香 沒藥 血竭 孩兒茶 自然銅煨 川木鱉 人中白 孩兒骨如無以狗胎代之倍加 地龍 土木鱉 無

名異 為細末煉蜜丸如梧子大杖過酒服百丸

杖癰方

水銀五分輕粉 乳香 象牙末各一錢 細茶二錢 木香五分 麝許少 為細末雞子黃蠟羊油調搽

杖丹

如遇打出即將松香四兩溶化又將芎一握搗入松香
內攪勻攤一膏藥貼患處外以綿帛掩上紮定五六
日愈

又方 朱南溪傳

杖傷及跌磕者用落得打草

似孩兒菊對節生枝

不拘多少搗

爛酒服

如伏天杖傷出蛆

真麻油澆之立盡

附海上單方

顛犬咬方

先用蓑衣草紮住患處兩頭以眾人熱小便洗溺去
血水次用胡桃殼半箇以本人熱糞裝滿蓋患處艾
火灸七壯如本人不欲大便傍人者亦可急取班猫
七箇去頭足并翅酒洗和濕糯米銅杓內炒米熟爲
度隨將二物研成細末加六一散三兩分作七服每
清晨一服白滾湯調下本人頭頂心必有紅髮一根
要不時尋覓拔去

劉襟湖驗過方顛犬咬

防風 五錢 黑牽牛 三錢 雄黃 三錢 斑蝥 一錢占米炒

真麝香 三分 錦紋大黃 三錢 右為末溫滾水調下空

心每日服二錢 先將斑猫去頭翅足 兩 和白粘米

半 升共炒去斑猫食米二撮許後服前藥其斑猫即合

入前藥內服一料後斑猫不可用外加雄黃 錢一或蜜

或米粉丸藥再服即間二三日服亦可每服 分三 茄子

茄地切不可踐食即茄漿水亦須忌之二三年後不

必忌也 此劉友自患顛犬咬三日內即服此方小

便下血塊有形得以全愈有一人患犬咬六日服此

方小便下血塊竟似犬狀亦終不救矣然劉友所傷

人 或毒輕而得愈總不如前方歷試歷驗日

入咬 毒入 心經則以益元散為引經之藥甚為有

埋山鄉一時無處買藥多蓄斑猫預製益元散以救

大是恩德

治酒疸

用苜蓿煎湯漸飲之愈

治刀瘡

化屍場取燒過人骨 不化者 研細末敷刀瘡患處立

刀二号

雜症

用天南竺煎湯飲神効 以上二方俱馮權奇傳

治痼結丸方

明黃連八錢 白芍藥一兩 檳榔八錢 粉草五錢 廣陳皮二兩
 豆蔻不油不蛀 史君子 爲細末白糖調服
者五錢

炮炙大法目錄

水部 十四種

火部 五種

土部 六種

金部 十四種

石部 二十六種

草部 一百五十六種

木部 七十三種

果部 二十四種

米穀部 二十四種

菜部 二十四種

人部 九種

獸部 二十三種

禽部 三種

蟲魚部 三十八種

附用藥凡例

炮炙大法

海虞繆希雍仲淳甫定

延陵莊繼光歛之甫校

按雷公炮製法有十七曰炮曰熅曰燂曰煇曰煨
曰炒曰煨曰煉曰製曰度曰飛曰伏曰鎊曰撥曰
曬曰曝曰露是也用者宜如法各盡其宜

水部

雨水

立春節雨水 梅雨水 芒種後逢壬為入梅小
暑後逢壬為出梅 液雨水 立冬後十日為入
液至小雪為出液 得雨謂之液雨

冬霜

凡收霜以鷄羽掃之瓶
中密封陰處久亦不壞

炮炙大法

水部

臘雪

用淨瓶收淨雪築實密封瓶口置於陰室中

神水

五月五日午時有雨急伐竹竿中必有神水瀝取為藥

半天河

此竹籬頭水及空樹穴中水也

流水

千里水東流水二水皆堪蕩滌邪穢煎煮湯液勞水即楊泛水張仲景謂之甘爛水用流水二斗置大盆中以杓高揚之千萬遍有沸珠相逐乃取煎藥蓋水性本鹽而體重勞之則甘而輕取其不助腎氣而益脾胃也虞搏醫學正傳云甘爛水甘溫而性柔故烹傷寒陰證等藥用之順流水性順而下流故治下焦腰膝之證及通利大小便之藥用之急流水湍上峻急之水其性急速而下達故通二便風痺之藥用之逆流水洄瀾之水其性逆而倒上故發吐痰飲之藥也

井泉水

反酌而傾曰倒流出甕未放曰無根無時初出曰新汲將旦首汲曰井華

地漿

此掘黃土地作坎深三尺以新汲水沃入攪濁少頃取清用之

熱湯

須百沸者佳若半沸者飲之反傷元氣作脹

生熟湯

以新汲水百沸湯合一盞和勻故曰生熟今人謂之陰陽水

菊潭水

山澗兩岸有天生甘菊花其下流泉是也

漿水

漿酢也炊粟米熟投冷水中浸五六日味酢生白花色類漿故名若浸至敗者害人

米泔水

即淘米汁也

縑絲湯

以磁瓶收密封埋淨土地中任經數年久而愈妙

火部

桑柴火

凡一切補藥諸膏宜此火煎之

炭火

櫟炭火宜煨煉一切金石藥煇炭火宜烹煎焙炙百藥丸散

炮炙法

火部

蘆火竹火

宜煎一切滋補藥 凡服湯藥雖品物專精脩治如法而煎藥者鹵莽造次水火不

良火候失度則藥亦無功觀夫茶味之美惡飯味之甘錫皆係於水火烹飪之得失即可推矣是以前煎藥須用小心老成人以深罐密封新水活火先武後文如法服之未有不效者火用陳蘆枯竹取其不強不損藥力也

燈火

魚油諸禽獸油諸菜子油棉花子油桐油豆油石腦油諸燈油皆能損目亦不治病也

土部

黃土

三尺以上曰糞三尺以下曰土凡用當去上惡物勿令入客水

東壁土

此屋之東壁上土爾當取東壁之東邊謂常先見日光刮取用之

伏龍肝

凡使勿快用竈下土其伏龍肝是十年已來竈額內火氣積久自結如赤色石中黃其形

貌入稜取得後細研以滑石水飛過兩遍今乾用熟絹裹却取子時安於舊額內一伏時重研

墨

陳久而料精者入藥新而粗者不堪

百草霜

此乃竈額及烟爐中墨烟也其質輕細故謂之霜山莊人家者良

梁上塵

須去烟火遠高堂殿上者拂下篩用之一云凡用倒掛塵燒令烟盡篩取末入藥雷氏所

說似是梁上灰塵今人不見用

金部

金銀銅鐵

凡使只可渾安在藥中借氣生藥力而已勿入藥服能消人脂

赤銅屑

即打銅落下屑也或以紅銅火煨水淬亦自落下以水淘淨用好酒入砂鍋內炒見火星

取研末用

自然銅

生處方圓不定色青黃如銅凡使用甘
草湯煮一伏時至明漉出攤令乾入臼中搗
了重篩過以醋浸一宿至明用六一混泥瓷盒
子盛二升文武火養三日夜纔乾用蓋蓋了火
煨兩伏時去土研如粉用凡脩事五兩以醋兩
鎰為度今人只以火煨醋淬七次研細水飛過
用一云製後半年方
可入藥否則殺人

銅青

生熟銅皆有青則銅之精華大者即空綠以次
空青也銅青則是銅器上綠色者淘洗用之近
時人以醋制銅生
綠取收晒乾貨之

鉛

凡用以鐵銼鎔化瀉瓦上濾去渣脚如此數次
收用其黑錫灰則以鉛沙取黑灰白錫灰不入
藥

鉛霜

以鉛打成錢穿成串瓦盆盛生醋以串橫盆中
離醋三寸仍以瓦盆覆之置陰處候生霜刷下
仍合
住

鉛丹

即黃丹也生鉛一味火煨研成細末水飛過用
今貨者多以鹽消砂石雜之凡用以水漂去消
鹽飛去砂石澄乾微火炒
紫色地上去火毒入藥

密陀僧

凡使搗細安甕堑中重紙袋盛柳叶末焙之
次下東流水浸滿火煮一伏時去柳末紙袋
取用近人以煎銀鑪底代之誤矣鑪底能消煉
一切衣帛焉可服耶如無真者勿用
制狼毒

古文錢

周秦漢五代者方可用以火煨微紅淬醋中
六七次用入目者磨用入散者用胡桃研成
粉

鐵

畏慈石火炭皂莢豬犬脂乳香朴硝礪砂鹽鹵
荔枝制石亭脂毒
凡諸草木藥皆忌鐵器
而補腎藥尤忌之
否則反消肝腎

鐵鏞

此鐵上赤衣
也刮下用

石部

抱家火去

石部

丹砂

卽朱砂也有數種砂硫砂如拳許大或重一鎰有十四面面如鏡若遇陰沉天雨卽鏡面上有紅漿汁出有梅栢砂如梅子許大夜有光生照見一室有白庭砂如帝珠子許大面上有小星現有神座砂又有金座砂玉座砂不經丹竈服之而自延壽命次有辰錦砂芙蓉砂箭鏃砂已上九種皆可入藥用丹砂入藥祇宜生用慎勿升煉一經火煉餌之殺人研須萬遍要若輕塵以磁石吸去鐵氣 惡磁石 畏鹽水車前石韋皂莢決明瞿麥南星烏頭地榆桑椹紫河車地丁馬鞭草地骨皮陰 地厥白附子 忌諸血

雲母

凡使色黃黑者厚而頑赤色者經婦人手把者並不中用須要光瑩如水色者爲上凡脩事一斤先用小地膽草紫背天葵生甘草地黃汁各一鎰乾者細到濕者取汁了於甕中安雲母於諸藥了下天池水三鎰著火煮一日夜水火勿令失度其雲母自然成碧玉漿在鍋底却以天池水猛投其中將物攪之浮如塙涎者卽去之如此三度淘淨了取沉香一兩搗作末以

天池水煎沉香湯三升已來分爲三度再淘雲母漿了日中晒任用之 澤瀉爲之使 惡徐

長卿羊血 畏鮫甲礬石東流水石 草上露茅屋漏水 制汞 伏丹砂

石鐘乳

凡使勿用頭粗厚并尾大者爲孔公石不用色黑及經大火驚過并久在地上收者曾經

藥物制者並不得用須要鮮明薄而有光潤者似鷺翎筒子爲上有長五六寸者凡脩事法以五香水煮過一伏時然後漉出又別用甘草紫背天葵汁漬再煮一伏時凡八兩鐘乳用沉香零陵藿香甘松白茅等各一兩以水先煮過一度了第二度方用甘草等二味各二兩再煮了一度漉出拭乾緩火烘之然後入白杵如粉篩過却入鉢中令有力少壯者三兩人不仕研三日夜勿歇然後用水飛澄了以絹籠之於日中晒令乾又入鉢中研二萬遍後以甕盒子收貯用之

蛇牀爲之使 惡牡丹玄石牡蒙人參二朮

忌羊血 畏紫石英蓂草韭實獨蒜胡葱胡

菱麥門冬 貓兒眼草

礬石

生用解毒煨用生肌 甘草為之 使惡牡蠣 畏麻黃紅心灰藿

芒硝

水飛過用五重紙滴過去脚於鑊中乾之方入 乳鉢研如粉任用芒硝是朴硝中煉出形似麥

芒者號曰芒硝 火為之使 惡 苦參苦菜 畏女苑杏仁竹葉

滑石

以刀刮去浮面黃者研如粉以牡丹皮同煨一 伏時出去牡丹皮取滑石却用東流水淘飛去

下脚七次於日中曬乾方用 白如凝脂軟 滑者良 石韋為之使 惡曾青 制雄黃

赤石脂

研如粉新汲水飛過三度曬乾用亦有火煨 水飛者 惡大黃松脂 畏芫花豉汁 畏

黃芩大 黃官桂

白石英

可煮汁用張仲景只令咬咀 不為細末 惡馬目毒公

紫石英

煑汁用或火燒醋淬為末傳毒 長石為之 使 得茯苓人參芍藥主心中結氣 得天

雄萐蒲主霍亂 惡鮫甲黃連 麥甸薑 畏扁青附子及酒

爐甘石

以炭火煨紅童便淬七次 水洗淨研粉水飛過晒用

綠礬

火煨通紅淬入米醋中 烘乾研如飛粉 畏醋

雄黃

取透明色鮮紅質嫩者研如飛塵水飛數次 畏南星地黃葛苣地榆黃芩白芷當歸地錦苦

參五加皮紫河車五葉藤鷲腸草 鷲腸草鷲不食草圓桑葉蝟脂

石硫黃

研如飛塵用以殺蟲行血 曾青石亭脂為 之使 畏細辛朴消鐵醋黑錫猪肉鴨汁餘

甘子桑灰益母天鹽車前黃蘗石韋蕎麥獨帚 地骨皮地榆蛇牀蓖麻兔絲蠶沙紫河波稜桑

白皮馬 鞭草

食鹽

凡鹽多以礬消石灰之類雜之入藥須用水 化澄去脚滓煎鍊白色乃良 漏蘆為之使

水銀

凡使草中取者并舊朱漆中者經別藥制過者 在屍過者半生半死者俱勿用在朱砂中產出

者其色微紅收得後用蘆葫收免遺失先以紫 背天葵并夜交藤自然汁二味同煮一伏時其

毒自退若脩十兩用前二味汁各七鎰和合煮足為度 畏慈石砒石黑鉛硫黃大棗蜀椒紫河車松脂松葉荷葉穀精草金星草萱草夏枯草葦荍子鴈來紅馬蹄香獨脚蓮水慈姑瓦松忍冬

水銀粉 凡水銀一斤用明礬焰硝皂礬食鹽各二兩

以藥鋪盆內上用一盆合定以鹽泥石膏蜜醋調封盆口勿令泄氣下盆底用鐵釘三脚支住四五寸高用炭火先文後武蒸半日次日冷定輕輕取起上盆則輕粉盡騰其上以鷲翎掃下聽用此乃真正輕粉生肌立効市肆多攙寒水石銀母石石膏馬得有馬乎 黃連土茯苓陳醬黑鉛鐵漿可制其毒

戎鹽 卽青鹽溫水洗去塵土淨晒乾入藥

石膏 雪白有墻壁者真卽市之寒水石也石白中搗成粉以密物羅過生甘草水飛過了水澄令乾

重研用之作散者煨熟入煎劑半生半熟 子為之使 畏鐵 惡莽草巴豆馬日毒公

磁石 欲驗者一斤磁石四面只吸鐵一斤者此名延年沙四面只吸得鐵八兩者號曰續末石四面

只吸得五兩已來者號曰磁石脩事一斤用五花皮一鎰地榆一鎰故綿十五兩三件并細剉以槌於石上碎作二三十塊子將磁石於甕瓶中以布裹之向大石上再槌令細了却入乳鉢中研細如塵以水沉飛過了又研如粉用之 柴胡為之使 殺鐵毒消金 惡牡丹莽草 畏黃石脂 伏丹砂養永去銅暈

起陽石 用火煨透紅研極細如麩 桑蝶蛸為之使 惡澤瀉雷丸菌桂石葵蛇蛻皮 畏兎絲

子 羊血 忌

瑪瑙 犬肉內煮之火煨紅醋淬用試 瑪瑙法以研木不熱者為真

石灰 凡使用醋浸一宿漉出待乾下火煨令腥膩之氣出用瓶盛著密蓋放令拭上灰令淨細研用

包法 石部

去錫暈 制

三黃礞砂消石

砒霜

凡使用小瓷瓶子盛後入紫背天葵石龍芮二味三件便下火煨從巳至申使用甘草水浸從申至子出拭乾入瓶盛於火中鍛別研三萬下用之一法每砒霜一兩打碎用明礬一兩為末蓋砒上貯確中入明火一煨以枯礬為度砒之悍氣隨烟而去駢形於礬中者庶幾無大毒用之不傷也用砒霜即用礬霜是也似簡便 畏 菜豆冷水 青鹽鶴頂草消石蒜水蓼常山益母獨帚木律菖蒲三角酸鷺 不食草波稜蒿苣皆能伏砒

礞石

與火硝相半入陽成罐封固煨存 性研如飛塵入藥 得焰硝良

花乳石

出陝華諸郡色正黃形之大小方圓無定凡入丸散以罐固濟頂火煨過出火毒研細水

飛晒 乾用

蓬砂

即礞砂也白如明礬者良研如飛塵 畏 知母 蓬 臺 紫 蘇 甌 帶 何 首 烏 鷺 不 食 草

草部

人參

色微黃皮薄滋潤明亮潤而獨株味甘回味不苦者良去蘆 茯苓馬藷為之使 惡鹵鹹溲 躑 畏 五靈脂

天門冬

劈破去心用柳木甌燒柳木柴蒸一伏時酒酒令遍更添火蒸出曝 地黃貝母垣衣為之使 忌鯉魚 畏魯 青浮萍 制雄黃礞砂

麥門冬

產杭州莧橋細白而皺者良水洗去心大抵一斤須減去五六兩凡入湯液或以水潤去

心

或以風中吹冷如此三四次即易燥且不損藥力或以湯浸搗膏和藥亦可滋補藥則以酒浸搗 畏苦參青菖木 耳 伏石鍾乳

甘草

須去頭尾尖處頭尾吐人截作三寸長劈破作六七片以甕器盛之用浸蒸從巳至午出曝乾

炮炙大法

草部

或用清水蘸炙或切片用蜜水拌炒如瀉火生用木苦參乾漆為之使惡遠志忌猪肉

生地黄

大如大指堅實者佳酒洗晒乾以手擘之有聲為度好酒拌勻置甕內包固重湯煮一晝夜勝於蒸者名熟地黄生者酒洗用得酒

麥門冬薑汁縮沙良惡貝母畏蕪荑忌葱蒜蘿蔔諸血製地黃勿犯銅鐵器

令人腎消并白髮男損榮女損衛也

菖蒲

勿用泥菖夏菖其二件相似如竹根鞭形黑氣穢味腥不堪用石上生者根條嫩黃堅硬節稠

長一寸有九節者是真也用銅刀刮上黃黑硬節皮一重了用嫩桑枝條相拌蒸出曝乾秦

地膽忌飴糖羊血鐵器惡麻黃

黃連

非真川黃連不効折之中有孔色如赤金者良去鬚切片分開粗細各置姜汁拌透用酒洗

先用山黃土炒乾研細再炒至將紅以紙放

者如是九次為度赤痢用濕槐花拌炒上法入痢藥中至於治本臟之火則生用之治肝膽之

實火則以豬膽汁浸炒治肝膽之虛火則以醋浸炒治上焦之火則以酒炒治中焦之火則以

薑汁炒治下焦之火則以鹽水或朴硝炒治氣分濕熱之火則以茱萸湯浸炒治血分塊中伏

火則以乾漆水炒諸法不獨為之導引蓋辛熱能制其苦寒鹹寒能制其燥性在用者詳酌之

黃芩龍骨理石為之使忌猪肉畏牛膝款冬惡冷水菊花玄參白殭蠶白鮮芫花

胡黃連

似乾柳枝心黑外黃折之塵出如烟者真忌惡同黃連忌鐵

菊花

真者味甘色黃單瓣光心去蒂用木枸杞根桑根白皮青箱葉為之使

白朮

米泔浸去油者山黃土裹蒸晒九次洗淨去皮切片晒乾防風地榆為之使忌桃李雀肉

菘菜青魚

蒼朮

出茅山細而帶糖香味甘者真米泔浸洗極淨刮去皮并黑豆蒸又拌蜜酒蒸又拌人乳透蒸

凡三次蒸時須烘晒極乾氣方透忌同白朮

菟絲子

米泔淘洗極淨畧晒揀去稗草子磨五六次酒浸一宿慢火煮乾木槌去殼一法用酒煮一晝夜搗作餅晒乾然後復研方細一法以白紙條同研方細薯蕷松脂為之使得酒良

惡 蕷菌

牛膝

酒浸蒸曝乾形長二尺五寸已上者方佳蜀地及懷慶產者良惡螢火龜甲陸英畏白前牛肉忌

菟蔚子

花紅者良忌鐵制三黃砒石

柴胡

凡使莖長軟皮赤黃髮鬚出在平州平縣即今銀州銀縣也西畔生處有白鶴綠鶴於此翔處是柴胡香直上雷間若有過往聞者皆氣爽此種治骨蒸不入發表藥去鬚并頭勿令犯火立便無効也半夏為之使

惡皂莢 畏女苑藜蘆

前胡

切開白色者良水洗用竹刀刮去蒼黑皮并鬚土了細挫以甜竹瀝浸令潤日中曬乾用

惡畏同 柴胡

獨活羌活

細挫拌淫羊藿衰二日後曝乾去淫羊藿用免煩人心此服食家治法尋常去皮或

焙用爾 蠶 實為之使

升麻

綠色者良治滯下用醋拌炒

車前子

自收玄色者良賣家多以葶藶子代充不可不辨使葉勿使葦莖入補益藥中用米泔淘淨蒸入利水治泄瀉藥炒為末用常山為之使

木香

形如枯骨油重者良忌見火入煎藥磨汁內熟湯中服若實大腸宜麩煨熟用

薯蕷

補益藥及脾胃中熟用外科生用切用銅刀紫芝為之使惡甘遂

萎蕤

凡使勿用黃精并鉤吻二物相似萎蕤上有鬚毛莖班葉尖處有小黃點為不同采得以竹刀刮去節皮洗淨以蜜水浸一宿蒸了焙乾用畏鹵鹹

薏苡仁 顆小色青味甘用糯米炒咬着粘人齒凡一兩以糯米一兩同炒令糯米熟去糯米取使

或以鹽湯煮過亦得一法瀼湯泡三次去油蒸氣日乾用

澤瀉 不油不蛀者良細剉酒浸一宿漉出曝乾用一法米泔浸去毛蒸或搗碎焙 畏海蛤文蛤

遠志 去心若不去心服之令人悶去心了用熟甘草湯浸一宿漉出曝乾用之 得茯苓龍骨冬葵

龍膽草 甘草湯中浸一宿至明漉出曝乾用勿空腹 惡地黃 貫眾赤小豆為之使

細辛 棟去雙葉服之害人洗淨去泥沙 曾青草根 為之使 忌生菜狸肉 惡黃芪狼毒山茱萸

石斛 長而中實味不苦者真去頭土了用酒浸一宿漉出於日中曝乾却用酥蒸從巳至酉却徐徐焙乾用石斛鎖涎澁丈夫元氣如斯脩事服滿一鎰永不骨痛暫使酒蒸用服餌當如法 陸

巴戟天 去心用枸杞子湯浸一宿待稍軟漉出却用酒浸一伏時又漉出用菊花同熬令焦黃去

菴藷子 煮汁作飲為末作散俱可 荊子薏苡為之使

芎藭 形塊重實色白者良 白芷 為之使 畏黃連 伏雌黃

刺蒺藜 淨揀擇了蒸從午至酉出日乾於木臼中春令皮上刺盡用酒拌再蒸從午至酉出日乾

用一法炒研去刺為末如入煎藥臨時調服不入湯煎 烏頭為之使

包炙大去 草部

沙苑蒺藜

綠色形如腰子細而香如天池茶者真即同州多偽者或炒或酒漿拌蒸亦不入湯藥

黃耆

軟如綿直而細中有菊心味甘者良補氣藥中蜜炙用瘡瘍藥中鹽水炒用俱去皮 茯苓為之使 惡 白鮮龜甲

肉蓯蓉

肥大者良用清酒浸一宿至明以椶刷上去沙土浮甲盡劈破中心去白膜一重如竹絲草樣是此偏隔人心前氣不散令人上氣不出凡使用先須酒浸并刷草了却蒸從午至酉出又用酥炙得所 忌鐵

防風

實而潤頭節堅者良去蘆并叉頭叉尾者形彎者令人吐勿用 畏單薺 惡乾薑藜蘆白欬花 荒

蒲黃

白採者真勿用松黃并黃蒿其二件全似只是味粗及吐人凡欲使蒲黃須隔三重紙焙令色黃蒸半日却焙令乾用之 妙行血生用止血炒用

續斷

皴皮黃色折之烟塵起者良用酒浸一伏時槌碎去筋焙乾用 地黃為之使 惡雷丸 枯黑如漆味不苦酸者真細剉拌生甘草相對蒸從已至申去甘草揀淨用 連翹為之使

天名精

一名過冬青即荔枝草吳人又呼為天麻地菘搗汁服 垣衣地黃為之使

决明子

炒研 著實為之使 惡大麻子

丹參

去蘆賣家多染色 須辨之 畏鹽水 勿用赤柳草根真似茜根只是滋味澁不入藥中用若服令人患內障眼速服甘草水解之凡

茜根

使用銅刀於槐砧上剉日乾勿犯鐵并鉛 畏鼠姑 制雄黃

五味子

遼東者佳去枯者銅刀劈作兩片用蜜浸蒸從已至申或晒或烘炒 茯苓為之使 惡 葳蕤 勝烏頭

包炙大法

草部

十二

忍冬 花四月采藤葉不拘時

蛇床子 凡使須用濃鹽汁百部煎濃汁二味同浸三

至亥日乾用 惡牡丹 貝母巴豆 伏 硫黃

茵陳蒿 須用葉有八角者採得陰乾去根細剉用勿

今犯火山茵陳俗呼為帝鐘茵陳即八角也

沙參 去蘆白實味甘 者良 惡防已

王不留行 拌濕蒸之從已至未以 漿水浸一宿焙乾用

乾薑 馬湖者長微炒若治產後血虛發熱及止血俱

炒黑温中炮用散寒邪理肺氣止嘔生用 秦 椒為之使 惡黃芩黃連天 鼠糞 殺半夏南星黃芩毒

生薑 不宜使熟宜搗絞汁待藥煎成傾入方不失生

字之義如入藥煎乃熟薑非生薑矣 使惡殺 薑 同乾

菹耳實 蒸用或炒熟搗去刺用 忌猪肉馬肉米泔

葛根 雪白多 粉者良

葛花 消酒 煎飲

括樓根 雪白多粉者良 枸杞為之 使 惡乾薑 畏牛膝乾漆

括樓仁 搗碎用粗 紙壓去油

苦參 先須用糯米濃泔汁浸一宿上有腥穢氣并在

木面上浮並須重重淘過即蒸從已至申出曝 乾細剉用之不入湯藥 玄參為之使 惡貝母漏蘆兔絲子 伏 承雌黃焰硝

當歸 色白味甘者良去塵并頭尖硬處一分已來洗

淨酒浸一宿若要破血即使頭一節硬實處若 要止痛止血即用尾若一槩用不如不使服食 無効單使妙也 惡藺茹濕麩 制雄黃 畏

菖蒲生薑
海藻牡蒙

麻黃

陳久者良去節并沫若不盡服之令人悶用夾
刀煎去節并頭槐砧上用銅刀細剉煎三四十
沸竹片掠去上沫盡鹿出熬乾用之

白芍藥

以竹刀刮去麤皮并頭土了剉之將蜜水拌
蒸從已至未曝乾用之今人多以酒浸蒸切
片或用炒亦良 須丸烏藥
末藥為之使 惡石斛芒硝

赤芍藥

製度并使惡
同白芍藥

瞿麥

只用葶殼不用莖葉若一時使即空心令人氣
咽小便不禁凡欲用先須以葶竹歷浸一伏時
漉出晒乾用 牡丹葦草為
之使 惡螺蛳 伏丹砂

玄參

墨黑者良用蒲草重重相隔人甑蒸兩伏時後
出乾勿令犯銅鐵餌之噎人喉喪人目揀去蒲
草盡了用之一法用酒洗去塵土切片
晒乾用 惡黃芪乾薑大棗山茱萸

秦艽

凡使秦并艽須於脚文處認取左文列為文即
治疾艽即發脚氣凡用秦先以布拭上黃肉毛
盡然後用童便浸一宿至明出日
乾用 菖蒲為之使 畏牛乳

百合

白花者良
酒拌蒸
皮黃肉白者良於槐砧上細剉焙乾木臼杵搗
一法去毛蜜炙勿令犯鐵器 得黃蘗及酒良

伏蓬
砂鹽

貝母

黃白輕鬆者良先於柳木灰中炮令黃劈破去
內口鼻上有米許大者心一小顆後拌糯米於
鉢上同炒待米黃熟然後去米取出其中有獨
顆團不作兩片無皺者號曰丹龍精不入藥用
若誤服令人筋脉不收用黃精小藍汁合服立
愈 厚朴白微為之使 惡桃花 畏秦艽

草礬
石

白芷

白色不蛀者良 當歸為之使
惡旋復花 制雄黃硫黃

包炙火去

草礬

十四

淫羊藿 細剉用羊脂相對拌炒過待羊脂盡為度每斤用羊脂四兩為度也 薯蕷紫芝

為之使 得酒良

黃芩

入肺經用枯芩去腐酒浸切炒入大腸或安胎等俱用于芩酒浸切炒 龍骨山茱萸為之使

惡葱實 畏 丹砂牡丹藜蘆

狗脊

凡修事火燎去毛細剉了酒拌蒸從已至申出曝乾用 草薺為之使 惡莎草敗醬

茅根

洗淨搗爛 勿用露根

紫菀

用東流水淘洗令淨用蜜浸一宿火上焙乾用凡修事一兩用蜜二分 款冬為之使 惡天

雄藁木雷丸遠志 瞿麥 畏茵陳

紫草

真者方佳須用蠟水蒸之待水乾取去頭并兩畔髭細剉用每條事紫草一斤用蠟三兩於鍋中鎔淨便投 蠟水作湯用

中鎔淨便投 蠟水作湯用

通草

即木通也有紫白二色紫者皮厚味辛白者皮薄味淡二者皆能通利

藁本

去蘆水洗切 惡 簡茹 畏青柏子

石韋

背有黃毛須拭極淨羊脂拌炒焦黃色 滑石 杏仁射干為之使 得菖蒲良 制丹砂礬石

草薺

其根細長淺白者真酒浸一宿焙乾 忌鐵 薏苡為之使 畏前胡柴胡牡蠣大黃葵根

土茯苓

忌鐵 茶

白薇

用糯米泔汁浸一宿至明取出去髭了於槐砧上細剉蒸從已至申出用夏月浸二時許 惡

黃芪乾薑大棗山茱萸 更大黃大戟乾漆

大青

處處有之三四 月采莖陰乾

艾葉

產蘄州者良入藥用新灸火 用陳 苦酒香附為之使

惡實

一名鼠粘子一名牛蒡子一名大力子用酒拌蒸待上有薄白霜重出却用布拭上然後焙乾

搗如粉用

水萍

紫背浮萍七月采之揀淨以竹篩攤晒下置水一盆映之即易乾也

王瓜

根能吐下子生用潤心肺治黃病炒用治肺痿
叶血腸風瀉血赤白痢反胃吐食 取汁制雄

禾

地榆

切之如綿者良酒洗 得髮良
惡麥門冬 伏丹砂雄黃硫黃

大小薊根

消腫搗汁止
血燒灰存性

海藻

凡使先須用生烏豆并紫背天葵和海藻三件同蒸一伏時候日乾用之近人但洗淨鹹味焙

乾用
反甘草

澤瀉

凡使先要別識雄雌其形不同大澤瀉形葉皆圓根青黃能生血調氣與榮合小澤瀉迥別採得後看葉上斑根須尖莖方此藥能破血通久積凡修事大小澤瀉須細到之用絹袋盛懸於

屋南畔角上令乾
用防已為之使

昆布

凡使先用弊甌篋同煮去鹹味焙細到用每修事一斤用甌篋十箇用昆布細到二味各一處下東流水從巳至亥水旋添勿令少

防已

凡使勿使木條以其木條已黃腥皮皺上有子足子不堪用凡使防已要心花文黃色者然後細到車前草根相對同蒸半日後出曬去車前草根細到用之一法用酒洗切 殷孽為之使

惡細辛 長草薺女苑
南鹹 殺雄黃硝石毒

天麻

透明者良天麻十兩用蒺藜子一鎰緩火熬焦熟後便先安置天麻十兩於瓶中上用火熬過蒺藜子蓋內外便用三重紙蓋并繫從巳至未時又出蒺藜子再入熬炒准前安天麻瓶內用炒了蒺藜子於中依前蓋又隔一伏時後出如此七遍瓶盛出後用布拭上氣汗用刀劈焙之細到單搗一法

楚裹煨透切

包衣大去

草部

阿魏 凡使各有訛偽有三驗第一驗將半銖安於熟銅器中一宿至明需阿魏處白如銀汞無赤色

第二驗將一銖置於五斗草自然汁中一夜至明如鮮血色第三驗將一銖安於柚樹上樹立

乾便是真色黑者力微黃溘者力上凡使先於淨鉢中研如粉了於熱酒器上裹過任入藥用

香薷 八九月開花着穗時采之去根留葉陰乾勿令犯火服至十兩一生不得食白山桃也

白部根 去心皮用酒浸一宿渡出焙乾細剉用

欬冬花 花未舒者良去梗蒂甘草水浸一時晒乾用杏仁為之使得紫苑良惡玄參皂莢

消石 長貝母麻黃辛 夷黃芩黃芪連翹青柏

紅藍花 白種者真得酒良

牡丹皮 凡使擇得後日乾用銅刀劈破去骨了細剉如木豆許用清酒拌蒸從巳至未出日乾用

潤而厚者良 忌蒜胡荽 伏砒 畏兔絲子貝母大黃

三稜 去毛米醋浸一日切片炒或者煮熟焙乾入藥乃良

青黛 水飛去脚緣中有石灰入服餌藥中宜飛淨用一法用青布浸汁代之

鬱金 色赤似薑黃蟬肚者良須辨真假磨汁臨服入藥

盧會 上有青竹文斑并光膩微甘勿便和眾藥搗此藥先搗成粉待眾藥末出然後入藥中

延胡索 產茅山谿陵澗粒粒金黃色者良醋煮切

肉豆蔻 不油不蛀不皺皮者佳糯米作粉使熱湯搜裹豆蔻於糖灰中炮待米團子焦黃熟然後

出去米粉用勿令犯銅鐵

白豆蔻 藥煎成方炒研入一二沸即起入丸待諸藥細末後方入勿隔宿

砂仁 畧炒吹去衣研用入湯丸法同白豆蔻得白檀香豆蔻為使入肺得人參益智為使入脾得

黃檗茯苓為使入腎得赤白石脂為使入大小腸得訶子白蕪荑鼈甲良

使入大小腸得訶子白蕪荑鼈甲良

包炙大法 草部

補骨脂

即破故紙形圓實色黑者良此藥性本太燥每用酒浸一宿後流出浮者去之却用東流水浸三日夜却蒸從已至申出日乾用忌鐵

蓬莪茂

凡使於砂盆中用醋磨令盡然後於火畔吸令乾重篩過用一法火炮醋浸煨切得酒

醋良

白前

用生甘草水浸一伏時後漉出去頭鬚了焙乾任入藥中用

薺荒

解百藥毒生搗汁服或未煮俱可

白藥子

未用

香附

細者佳去毛以水洗淨揀去砂石於石臼內搗去皮用童便浸透曬搗用或以酒醋酥鹽水薑汁浸俱瓦上焙乾得芎藭

鱧腸

即旱蓮草性太寒宜熬膏用須日色中忌鐵

使君子

慢煨香熟用或云七生七煨食亦良忌飲熱茶犯之即瀉

翦草

治肺熱吐血有神舊出婺州今產寧州

附子

底平有九角如鐵色一箇重一兩即是氣全堪用修事十兩於文武火中炮令破折者去之用刀刮上孕于并去底尖微細劈破於屋下午地乾用麩炒欲炮者灰火勿用雜木火只用柳木最多若陰制使即生去尖皮底薄切用東流水并黑豆浸五日然後漉出於日中曝令乾用凡使須陰制去皮尖了每十兩用生烏豆五兩東流水六升一云此物性太烈古方用火炮不若用童便煮透尤良地膽為之使得蜀椒食鹽下達命門惡蜈蚣蟻汁畏防風甘草人參黃芪綠豆烏韭童溲犀角

半夏

陳久者良若脩事四兩用搗了白芥子末二兩頭醋六兩二味攪令濁將半夏投中洗三遍用之半夏上有巢涎若洗不淨令人氣逆肝氣怒滿若入治痰飲藥用白礬湯入薑汁浸透洗淨

炮炙大法

草部

用無白星為度造麵法用半夏不拘多少將滾湯泡過宿搗爛每一斗入生薑一斤同搗之作餅子用乾稻稈或粟麥稈會之如會麵法乾火用射干柴胡為之使惡皂莢海藻飴糖羊

大黃

秦皮龜甲雄黃細切內文如水旋斑緊重剉蒸從已至未晒乾又用臘水蒸從未至亥如此蒸七度却酒薄蜜水再蒸一伏時其大黃譬如烏膏樣於日中晒乾用之為妙下藥酒浸一時煮二三沸即服黃芩為之使惡乾漆忌冷水

桔梗

味苦而有心者良凡使去頭上尖硬二三分已來并兩畔附枝于於槐砧上細剉用百合水浸一伏時漉出緩火熬令乾用每修事四兩用生百合五分搗作膏投於水中浸一法用米泔浸一宿微焙用節皮為之使畏白及龍膽龍眼忌猪肉伏砒

草蒿

即青蒿葉細而香自採佳陰乾凡使准中為妙到膝即仰到腰即免使子勿使葉使根勿使莖

四件若同使翻然成痼疾採得葉不計多少用童溺浸七日七夜後漉出晒乾伏硫黃

旋復花

去裹花蓋殼皮并蒂蒸從已至午晒乾用

射干

不辣者良米泔水浸一宿漉出然後用董竹葉煮從午至亥漉出日乾用之

常山

如鷄骨者良春使莖葉夏秋冬使根酒浸一宿至明漉出口乾熬搗少用勿令老人久病者服之切忌畏玉札

甘遂

用生甘草湯小薺菀自然汁二味攪浸三日其水如墨汁更漉出用東流水淘六七次令水清為度漉出於土器中熬令脆用之一法麩包煨熱去麩瓜蒂為之使惡遠志

白歛

腫生取根搗爛可傳癰代赭為之使

白及

水洗切紫石英為之使惡理石畏杏仁李核仁

貫眾

洗淨切片炒伏石鍾乳豆為之使

何首烏

冬至後採者良人春則芽而中空矣北人以
廣種欺人香氣不能混也臨用勿去皮以苦
竹刀切米泔浸經宿同豆丸蒸九晒木杵白搗
之勿犯鐵器 茯苓為之使 忌葱蒜蘿蔔諸

鱗魚
血無

威靈仙

去蘆酒洗
忌茶麪湯

牽牛子

卽草金零入水中淘浮者去之取沉者曬乾
拌酒蒸從巳至未噉乾臨用春去黑皮用之
黑者力速磨取頭末入
藥 得乾薑青木香良

蓖麻子

形似巳豆節節有黃黑斑點凡使先須和皮
用鹽湯煮半日去皮取子研過用 忌炒豆
伏丹

天南星

陳久鬆白者良滾湯明礬或薑汁拌和泡用
一用泡過者為末入臘月黑牛膽中陰乾用
蜀漆為之使 得火牛膽良 惡莽草 畏
附子乾薑防風生薑 伏雌黃丹砂焰硝

稀蒼

酒拌九蒸九晒 忌鐵

苧根

此物大能補陰而行滯血方
藥以其目前賤物多不用

白頭翁

花子莖葉同 蟲實
為之使 得酒良

蘆根

逆水生并黃泡肥厚味甘者良露根勿用去鬚
節并赤黃皮用其汁消痰開胃下氣除熱解一
切食物魚

馬兜鈴

凡使採得後去葉并蔓了用生絹袋盛於東
屋角畔懸令乾了劈作片取向裏子去革膜
並令淨用子勿令去革膜
不盡用之並皮炒入藥

仙茅

刮上皮於槐砧上用銅刀切豆許大却用生稀
布袋盛於烏豆水中浸一宿取出用酒濕拌了
蒸從巳至亥取出曝乾勿犯鐵斑
人鬚鬢 禁食牛乳及黑牛肉

劉寄奴

凡使去梗以布拭上薄殼皮令淨拌酒蒸
從巳至申出曝乾用之莖葉花子皆可用

骨碎補 生江南根着樹石上採得用銅刀刮去上黃赤毛盡便細切用蜜拌令潤架柳甌蒸一日

後出曝乾用一法去毛細切後用生蜜拌蒸從巳至亥

連翹 黑而閉口者良去蒂根研

續隨子 凡用去殼取色白者以紙包壓去油取霜用

山豆根 或末或研或嚼咽

白附子 竹節者良炮去皮得火良

預知子 去皮研服

木賊草 去節童便浸一宿焙乾

蒲公草 自採鮮者入湯藥煎入丸末傳瘡毒搗爛用

穀精草 土瓜為之使忌鐵 伏禾砂

夏枯草 土瓜為之使忌鐵 伏禾砂

山慈菰根 山浙江處州府遂昌縣淇山地方市中無真者形光無毛本草註中云有毛誤也

燈心草 蒸熟待乾折取中心白穰燃燈者是為熟草不蒸者生乾剝取為生草入藥用之最難研以粳米粉漿染過曬乾研末入

水澄之浮者是燈心也曬乾用

海金沙 或丸或散沙及草俱可入藥

萱草根 曬乾為末或用水煎酒煎研汁皆可服

藿香 自種者良採之如藿香氣者真薄荷香者非也

絡石 凡採得後用籠布楷葉上莖蔓上毛了用熟甘草水浸一伏時出切日乾任用 杜仲牡丹為

之使 惡鐵落 畏 貝母菖蒲 殺孽毒

木部

桂 凡使勿薄者要紫色厚者去上龜皮取心中味
辛者使每斤大厚紫桂只取得五兩取有味厚
處生用如末用即重蜜熟絹并紙裹勿令犯
風共州土只有桂草元無桂心用桂草煮丹陽
木皮遂成桂心凡用即單搗用之 得人參甘
草麥門冬大黃黃芩調中益氣得柴胡紫石英
乾地黃療吐逆 忌生葱石脂

桂枝 即桂之枝
條輕薄者
凡採得後去單子并五子者只取兩子三子者
凡使用銅槌槌之令破用烏牛乳浸一宿蒸過
為之使 景天

槐實 未開時采收陳久者良入藥
凡使用銅槌槌之令破用烏牛乳浸一宿蒸過
為之使 景天

槐花 未開時采收陳久者良入藥
凡使用銅槌槌之令破用烏牛乳浸一宿蒸過
為之使 景天

枸杞根 即地骨皮凡使根掘得後用東流水浸以物
然後焙乾用其根若似物命形狀者上春食
葉夏食子秋食根并子也 制硫黃丹砂

栲實 去油者酒拌蒸另搗如泥或蒸熟曝烈春簾取
仁炒研入藥 瓜子牡蠣桂為之使 畏菊花

栲葉 向月令採之春東夏南秋
西冬北 使畏伏同實

茯苓 堅白者良去皮搗為末於水盆中攪三次將濁
浮者去之是茯苓筋若誤服之令人眼中童子
并黑精點小兼盲目切記如飛澄淨晒乾人乳
拌蒸用赤茯苓則不必飛也 使惡畏忌同茯
神

茯神 去皮木用 馬問為之使 得甘草防風芍藥
麥門冬紫石英療五臟 惡白歛 畏地榆秦

琥珀 凡用紅松脂石珀木珀花珀珀象珀璧珀琥珀
紅松脂如琥珀只是濁太脆文橫水珀多無紅

琥珀 凡用紅松脂石珀木珀花珀珀象珀璧珀琥珀
紅松脂如琥珀只是濁太脆文橫水珀多無紅

琥珀 凡用紅松脂石珀木珀花珀珀象珀璧珀琥珀
紅松脂如琥珀只是濁太脆文橫水珀多無紅

色如淺黃多龕皮皺石珀如石重色黃不堪用
 花珀文似新馬尾松心文一路赤一路黃物象
 珀其內自有物命動此使有神妙璧珀其珀是
 眾珀之長故號曰璧珀琥珀如血色熟於布上
 拭吸得芥子者真也大率以輕而透明者為佳
 入藥中用水調側栢子末安於甕鍋子中安琥
 珀於末中丁下火煮從已至申別有異光別搗
 如粉重篩用一法用細布包內豆腐鍋中煮之
 然後灰火畧煨過入
 目製用安心神生用

酸棗

粒粒粗勿碎皮者良炒爆研細入
 藥如砂仁法勿隔宿 惡防已

黃檗木

即黃檗也凡使用刀削上龕皮了用生蜜水
 浸半日漉出晒乾用蜜塗文武火炙令蜜盡
 為度凡修事五兩用蜜三兩一法用

楮實

凡使採得後用水浸三日將物攪旋投水浮者
 去之晒乾用酒浸一伏時了便蒸從已至亥出
 焙令乾 用之

鹽酒拌炒褐色 惡乾漆 伏硫黃

乾漆

使火煨起盡存性研如飛塵 半夏為之
 畏雞子紫蘇杉木漆姑草蟹 忌油膩

五加皮

五葉者是剥皮去骨陰乾
 遠志為之使 畏玄參蛇皮

蔓荆實

凡使去蒂子下白膜一重用酒浸一伏時後
 蒸從已至未出燉用一法炒搥碎用 惡烏

頭石 膏

辛夷

凡用去龕皮拭上白赤毛了去心即以芭蕉水
 浸一宿漉出用漿水煮過從已至未出焙乾用

若治眼目中患即一時去皮用向裏實者 芎
 藭為之使 惡五石脂 畏菖蒲黃連蒲黃石

膏黃 環

桑上寄生

凡使在樹上自然生獨枝樹是也採得後
 用銅刀和根枝莖細剉陰乾了用 忌火

杜仲

極厚者良削去龕皮每一斤用酥一兩蜜三兩
 和塗火炙以盡為度一法用酒炒斷絲以漸取

屑方不焦 惡 玄參蛇蛻皮

包天去

木部

女貞實

按本草女貞實與冬青似是而非也女貞葉長四五寸子黑冬青葉團子微紅俱霜後採

楓香脂

凡用酒拌黑豆同蒸九次
凡用以釀水煮二十沸入冷

蕤核

凡使湯浸去皮尖掌作兩片用芒硝木通草二
味和蕤核仁同水煮一伏時後漉出去諸般藥取

丁香

凡使有雄雌顆小雌顆大似櫻棗核方中多
使雄力大膏煎中用雄若欲使雄須去下蓋乳

沉香

凡使須要二沸即傾畏鬱金忌火
好投入一二沸即傾畏鬱金忌火
水使下為上也半沉者次也入散中用須候眾藥

乳香

圓小光明者良古方以燈心同研或以糯米數
粒同研或以人指甲二三片同研或以乳鉢坐
熱水中乳之二皆易細總不如研細和人乳器

沒藥

沸即起
勿多煮
透明者良製

金櫻子

熬膏服或和藥霜降後採金櫻子不拘多少
以粗氣微搗去毛刺淨復搗破去子約有一

桑根白皮

自採入土東行者或竹刀或銅刀刮去黃
粗皮手折成絲拌蜜尾上炙根淨土上者

殺人

子為之使桂心續斷麻
子為之使桂心續斷麻

包衣去

木部

二

桑葉

煎湯研汁為末俱可
經霜者另取洗眼用

淡竹葉

別有竹葉
別有用

竹瀝

用取新鮮金竹鋸尺許中留節兩頭去節劈兩
開不拘多少用磚二塊架定竹兩頭出磚二寸
許各以磁盤置於下候瀝滴其中用烈火薰逼
則兩頭瀝灑滴瀝於盤中竹將自燃瀝便盡矣
就將滴過瀝竹為薪又架新竹於磚上如前燒
逼任取多少淡竹竹篔簹竹苦竹慈竹惟四種各有
治堪用 薑
汁為之使

竹皮茹

取極鮮竹刮皮碾去外硬青勿用
止淡竹筍竹苦竹堪用餘不入藥

吳茱萸

凡使先去葉核并雜物了用大盆一口使鹽
水洗一百轉自然無涎目乾任入丸散中用
修事十兩用鹽二兩研作末投東流水四斗中
分作一百度洗別有大効若用醋煮即先沸醋
三十餘沸後入茱萸待醋盡曬乾每用十兩使
醋一盞為度 蓼實為之使 惡丹參消石白

檳榔

凡使取外存坐穩心文如流水碎破肉文如錦
紋者妙半白半黑并心虛者不入藥用凡使須
別檳與榔頭圓身形矮毗者是榔身形尖紫文
麤者是檳檳力小榔力大欲使先以刀刮去底
細切勿經火恐無力

梔子

凡使勿用顆大者號曰伏尸梔子無力須要如
雀腦并鬚長有九路赤色者上凡使先去皮鬚
了取九稜者仁以甘草水浸一宿漉出焙乾搗
晒如赤金末用大率治上焦中焦連殼用下焦
去殼洗去黃漿炒用

騏驎竭

凡使勿用海母血真似騏驎竭只是味鹽并
腥氣騏驎竭味微鹽甘似梔子氣是也欲使
先研作粉重篩過丸散膏中任使用勿與
衆藥同搗化作飛塵也 得蜜陀僧良

龍腦香

即水片也形似白松脂作杉木氣明淨者善
久經風日或如雀屎者不佳今人多以樟腦
包夾去 木部

升打亂之不可不辨也云合糯一作米炭相思子貯之則不耗膏主耳聾

蕪荑 炒去殼氣嗅如信者真

枳殼 凡使勿使枳實綠性効不同若使枳殼取辛苦

腥并有嚼油能消一切瘴要陳久年深者為上用時先去瓢以麩炒過待麩黑焦遂出用布拭上焦黑然後單搗如粉用產江右者良

枳實 色黑陳久者良去穰麩炒黃色

厚朴 凡使要用紫色有油質厚者良去麁皮用酥炙過每修一斤用酥四兩炙了細剉用着湯飲下

使用自然薑汁入兩炙一升為度乾薑為之使惡澤瀉消石寒水石忌豆

芎藭 凡使勿用雀兒酥真似山茱萸只是核入棧蒸去核了一斤取肉皮川只秤成四兩已來此蒸藥用柳木甌去水八九寸水不泛上餘悉准

此蒸藥用柳木甌去水八九寸水不泛上餘悉准惡精便防風防已

惡精便防風防已

胡桐淚 形似黃礬而堅實有夾爛木者木淚乃樹脂流出者其狀如膏油石淚乃脂入土石間者其狀成塊以其得鹵片之

氣故入藥為勝伏砒石

猪苓 用剉刀削去麁皮一重薄切下東流水浸一夜至明鹿出細切蒸一日出曬乾用一云猪苓取其行濕生

用更佳

烏藥 連珠者良洗淨切

龍眼 生者沸湯瀹過食不動脾

安息香 或燒薰或末服

仙人杖 此是笋欲成時立死者色黑如漆五六月收之

海桐皮 酒浸服亦可入煎

五倍子 或生或炒俱為末入藥

包衣去木部

大腹

日乾此樹鳩鳥多棲之遺尿在皮上不淨恐有
毒今人用之
不製大誤

天竺黃

輕者真
伏粉霜

蜜蒙花

凡使先揀令淨用酒浸一宿漉出候乾却拌
蜜令潤蒸從卯至酉出日乾如此拌蒸三度
又却日乾用每修事一兩用酒八兩浸待
色變用蜜半兩蒸為度此元名水錦花

巴豆

凡使巴之與豆及剛子須在仔細認勿誤用殺
人巴顆小緊實色黃豆顆有三稜黑色剛子顆
小似棗核兩頭尖巴與豆即剛子勿使凡脩
事巴豆敲碎去油淨用白絹袋包甘草水煮焙
乾或研膏用每脩事一兩以酒麻油各七合盡
為度為瘡瘍傳藥須炒黑存性能去瘀肉生新
肉有神 芫花為之使 得火良 惡蓑草牽
牛 畏大黃 藜蘆 黃連 蘆筍 醬豉 豆汁 冷水
一名南椒 凡使須去日及閉口者不用其椒子
蜀椒 先須酒拌令濕蒸從巳至午放冷蜜蓋除下火

四時無氣後取出便入藥器中盛勿令傷風用
也 杏仁為之使 得鹽良 畏欬冬花防風
附子 雄黃 橐吾
冷水 麻仁 漿

皂莢

凡使須要赤臍肥并無虫者用新汲水浸一宿
用錫刀削上麤皮用酥及覆炙酥盡為度取出
標之去子搗篩皂莢一兩酥二分子收得揀取
圓滿堅硬不蛀者用瓶盛下水於火畔煮待炮
熟剥去硬皮一重了取向裏白嫩肉兩片去黃
其黃消人腎氣將白兩片用銅刀細切於日中
乾用一法麩裹煨去核 栢實為之使 惡麥
門冬 畏空青 人參 苦參 伏丹 砂粉 霜 硫黃
砂 礪

訶子

本名訶梨勒凡使勿用毗梨勒菴梨勒椰精勒
雜路勒若訶梨勒文只有六路或多或少並是
雜路勒毗路勒個個毗雜路勒皆圓露文或入
路至十三路號曰椰精勒多泄不入用凡脩事
先於酒內浸然後蒸一伏時其訶
黎勒以刀削路細剉焙乾用之

包天去

木部

赤檉柳 治痧癰聖藥也得

棟實 凡採得後熟乾酒拌浸令濕蒸待上皮軟剥去

椿木 核即不使肉 茴香為之使

椿木 根採出伴生葱蒸半日出葱細剉用袋盛掛

無食子 一法用根皮漂淨酒拌炒

雷丸 赤色者殺人取肉白者用甘草水浸一宿鋼刀

蘇方木 須細剉了重搗拌細條梅

胡椒 凡使只用內無皺殼者用方大漢椒使殼胡

益智子 去殼炒 臨用研

樺木皮 主諸黃疸濃 煮汁飲之良

樞實 皮同鷺肉食生斷節風又上壅人 忌火氣

木鼈子 入藥去油者

柞木子 能開交骨所 以催主有神

櫻櫚子 入藥燒灰用不可絕過即是煨存

木槿 入藥炒用取汁 度絲使得易落

包天 去木部

包天 去木部

包天 去木部

包天 去木部

包天 去木部

果部

豆蔻

俗名草菓者是也去蒂并內裹子後取皮同茱萸於鍋中緩炒待茱萸微黃黑即去茱萸取草豆蔻皮及子并用以之

蓮肉

去心勿去皮分作兩片每片分作四小塊瓦上焙焦色一法每一斤用穢豬肚一個盛貯煮熟搗倍用之得茯苓

荷鼻

山藥白木枸杞子良抹荷葉近蒂者是伏白銀硫黃畏

橘皮

真廣陳皮稍驗紋香氣異常去白時不可浸於水中止以滾湯手蘸三次輕輕刮去白要極淨以新瓦焙香去殼取仁研碎入藥

青皮

以湯浸去瓢切片醋拌瓦炒過用與葱同食令人五臟不和與魚同食令人腰腹

大棗

去核有齒病疖病蟲蠱人及小兒不宜食忌

栗

日中曝乾食下氣補益火煨去汗亦佳生食有木氣不補益人蒸炒熟食壅氣凡患風人及小兒不可食解羊肉羶

覆盆子

凡使用東流水淘去黃葉并皮蒂盡子用酒拌蒸一宿以東流水淘兩遍晒乾方用為妙也

雞頭實

凡用蒸熟烈日晒裂取仁亦可春取粉用入酒且經久不壞

烏梅

去核微炒用造法取青梅籃盛於突上熏黑若以稻灰淋汁潤濕蒸過則肥澤不蠹忌豬肉

木瓜

產宣州者真即彼處多以小梨充之勿令犯鐵用銅刀削去硬皮并子薄切於日中晒却用黃牛乳汁拌蒸從已至未其木瓜如膏煎却於日中攤晒乾用也今止去穢槌碎用

包衣

去

柿

不用火烘日晒採青者收置器中自然紅熟滋味盡去而甘不可與蟹同食作瀉惟木香磨汁飲可解

柿霜

用大柿去皮捻遍日晒夜露至乾內甕中待生白霜乃取出市者多偽不入藥

烏芋

即芋薺也 能消瘴氣

枇杷葉

凡使採得後秤濕者一葉重一兩乾者三葉重一兩是氣足堪用以瓮布拭上毛令盡用甘草湯洗一遍却用綿再拭極淨每一兩以酥一分炙之酥盡為度如治肺病以蜜水塗炙治胃病以薑汁塗炙此物治咳嗽如去毛不盡反令人嗽也

甘蔗

榨漿飲消渴解酒痧瘵最宜

桃仁

七月采之去皮尖及雙仁者麩炒研如泥或燒存性用此破血行瘀血之要藥也雷公法用白木烏豆二味和桃仁同於坩堝子中煮一伏時後漉出用手掌作兩片其心黃如金色任君用之

桃花

行血宜連皮尖生用香附為之使乾去塵用 三月三日采陰乾之勿使千葉者能使人鼻衄不止日黃凡用揀令淨以絹袋盛於簷下懸令

桃梟

是千葉桃花結子在樹上不落者於十一月內採得一云正月采之實者良凡修事以酒拌蒸從已至未焙乾以銅刀切焙取肉

杏仁

五月采之以湯浸去皮尖及雙仁者麩炒研用治風寒肺病藥中亦有連皮尖用者取其發散也

梨子

消熱痰加牛黃末療小兒風疾痰湧有神解熱毒久服不患瘡疽

橄欖

中河豚毒煮汁服或生嚼

山查

水潤蒸去核淨肉用

包炙法

果部

米穀部

胡麻

凡修事以水淘浮者去之沉者漉出令乾以酒拌蒸從巳至亥出攤曬乾於白中春令麤皮一

麻子

重盡拌小豆相對同炒小豆熟即出去小豆用之蒸不熟令人髮落與茯苓相宜極難去殼取帛包置沸湯中浸至冷出之垂井中一夜勿令着水次日日中曝乾就新瓦上接

飴糖

去殼簸揚取仁粒粒皆完
畏牡蠣白茯苓白微
糯米作者入藥粟米
者次之餘但可食耳

生大豆

或搗或煮汁或炒屑各有用
杏仁牡蠣諸鹽汁良
得前胡烏喙
惡五參龍膽
豆黃

赤小豆

氣致死十有八九十歲以上不畏也
法同大豆合魚
酢食成消渴

大豆黃卷

或以研爛絞汁或炒為末用黑大豆為藥牙
生五寸長便乾之名為黃卷一法壬癸日

以井華水浸大豆候生芽取皮陰乾用
胡杏子牡蠣烏喙天雄鼠屎共蜜和良
得前

藻龍

酒

人為火燎以陳酒浸之止
痛拔出血毒令人不死

粟米

即小米陳者良與杏
仁同食令人吐瀉

秣米

小兒病人
不宜多食

粳米

陳者下氣
病人宜之

藥米

凡穀皆可生藥有粟黍穀麥豆諸藥皆水浸脹
候生芽曝乾去鬚取其中米炒研麩用其功皆

主消導
粟藥 稻
穰麥藥各有用

春杵頭細糠

凡穀皆有糠粳稻粟秣者勝北方多用
杵南方多用確入藥並用丹家云糠火

煉物力
倍於常

包穀大去

米穀部

三十一

炒參大法

三十一

四百七十三

小麥 浮者止汗須 揀淨焙用

麥麩 性涼用 炒諸藥

蕎麥 壓丹石毒作麩和豬羊肉熱食不過八九頓即 患熱風鬚眉脫落還生亦希涇汾以北多此疾

又不可合黃魚食家 常多犯故特拈著

麩

凡使須陳久者搗作末後掘地坑深二 尺用物裹內坑中至一宿明出焙乾用

神麩

五月五日六月六日或三伏日為諸神集會之 辰故名神麩如過此日造者非也法用白虎白

麩一百觔勻陳蒼耳自然汁三升騰蛇青蓼自 然汁四升青龍青蒿自然汁三升玄武杏仁四

升泡去皮尖搗爛入麩朱雀赤小豆三升煮熟 去皮湯搗爛和麩一處勻一如造酒麩法以麻

葉或楮葉包罨如造醬黃法待生黃衣晒 收之凡用須火炒黃以助上氣陳久者良

菹豆

紫花者良炒去殼打碎及煮酒飲 豚魚一切草木毒生嚼及煮汁飲

淡豆豉

出江西者良黑豆性平作豉或則溫既經蒸 故能升能散得葱則發汗得鹽則能吐得酒

則治風得薤則治痢得蒜 則止血炒熟則又能止汗

紅麩

亦出江西陳久者 良吹淨炒研用

綠豆

生研絞汁或者煮食用之宜連皮去皮則令人少 壅氣當是皮寒肉平故也圓小綠者佳 反樞

子殼忌鯉魚酢 解金石砒霜 一切草木諸毒連皮生研水服

醋

米造陳者良醋酒為用無所不入故製 藥多用之 服茯苓丹參不可食醋

醬

豆作者良麥作者不用以久久為佳 又有肉醬魚醬皆呼為醢不入藥用

鬮子粟

用熱水泡軟擘去筋膜切成絲用蜜水 或米醋拌微炒晒乾用 忌蒜醋胡椒

菜部

瓜蒂

凡使勿用白瓜蒂要採取青綠色瓜待瓜氣足 其瓜蒂自然落在蔓莖上採得未用時使櫛櫛

葉裹於東牆有風處挂令吹乾用

白冬瓜

此物經霜後皮上白如粉塗故云白冬瓜也
被霜後取置經年破取核水洗燥去殼搗仁

用一用皮肉搗絞汁服

白芥子

研用

萊菔

生食熟食俱可治久脾泄百藥不効者食經年無不効者但不可與地黃同食多食動氣性生薑能制其毒

伏礶砂

萊菔子

炒研能消食性峻利傷人真氣勿久服

黃蜀葵花

瘡家要藥作末及浸油俱可

葱頭

取根白一二寸連鬚用洗淨忌蜜及常山

韭

絞生汁飲其子入藥揀淨蒸熟暴乾簸去黑皮炒黃研用忌蜜及牛肉 伏石鍾乳乳香

荆芥

陳者長去梗取穗若用止血須炒黑

蘇子

自收方真市者俱為畧炒研極細煎成藥投入二三沸即傾

紫蘇

兩面俱紫白種者真

薄荷

產蘇州龍腦者良

苦匏

即苦壺盧也凡用須細理瑩淨無壓翳者乃佳不爾有毒

馬齒莧

凡使勿用葉大者不是馬齒莧亦無水銀忌與鼈同食食之俱變成鼈啗人腹至不可治

蕺菜

治肺癰俗名魚腥草生陰處

木耳

桑槐樹上生者良煮羹食有用確盛大火內煨去烟存性為末入藥

人部

髮髮

凡使是男子年可二十已來無疾患顏貌紅白於頂心剪下者髮是凡於丸散膏中先用苦參

水浸一宿漉出入瓶子以
火煨之令通赤放冷研用

人乳汁 白而不
腥者良

人牙齒 入藥
燒用

人糞 宜用絕乾者搗末沸湯沃服之
一名金汁埋地中年久者良

人溺 肥白無病童子味
不酸雪白者良

人中白 溺器中者
良火煨研

禪襠 取中視近隱處男用女女
用男或取汁或燒灰服

天靈蓋 凡用彌腐爛者佳有一片如三指潤者取得
用糖灰火燬一夜待腥穢氣盡却用童便於
甕鍋中煮一伏時漉出於屋下握得一坑深一
尺置骨於中一伏時其藥魂歸神妙陽人使陰
陰人使陽男骨色不赤女骨色赤以此別之一
法同檀香湯洗過酥炙用或燒存性用

紫河車

置酒內覆者男胎也首胎重十五兩以上先
將酒洗數次血水方盡用銀簪剔去筋膜
封固銀鍋內加酒重湯煮一晝夜或文武火焙
乾一法米泔浸淨入豬肚中蒸爛搗膏入藥
忌犯 鐵

獸部

龍骨

骨細文廣者是雌骨籠文狹者是雄骨五色者
上白色者中黑色者次黃色者稍得經落不淨
之處并婦人採得者不用洗淨搏研如粉極細
方入藥其効始神但是丈夫服空心益腎藥中
安置圖龍骨氣入腎臟中也雷公所云生用法
也一法用酒浸一宿焙乾研粉水飛三度用如
急用以酒煮焙乾或云凡入藥須水飛晒乾每
斤用黑豆一斗蒸一伏時晒乾用否則着人腸
胃晚年作熱也 得人參牛黃
黑豆良 畏石膏鐵 忌魚

龍齒

搗碎入丸煨研
得畏忌同龍骨

麝香

其香有三等一者名遺香是麝子臍閉滿其麝自於石上用蹄尖揮躡落處一里草木不生並焦黃人若收得此香價與明珠同也二名膝香採得甚堪用三名心結香被大獸驚心破了因茲狂走襍諸羣中遂亂投水被人收得擘破見心流在脾結作一箇乾血塊可隔山澗早聞之香是香中之次也凡使麝香並用子日開之方用細研篩用之也當門子良凡用另研忌大

牛黃

凡使有四件第一件是生神黃賺得者次有角黃是取之者又有心黃是病死後識者剝之劈破取心其黃在中心如濃黃醬汁採得便投於水中黃露水復便如碎葵藜子許如豆者硬如帝珠子次有肝黃其牛身上光眼如血色多玩弄好照水自有夜光恐懼人或有人別採之凡用須先單搗細研如塵却絹裹又用黃嫩牛皮裹安於井面上去水三四尺已來一宿至明方取用之 人參為之使 得牡丹萵蒲利耳目惡龍骨龍膽地黃常山蜚蠊 畏牛膝乾漆

象牙

刮取屑細研用

鹿角膠

自煎者良酒化服為上或用麥門冬橘紅砂仁煎湯化服入丸用酒或水頓化和蜜或炒成珠亦得 畏大黃

阿膠

油綠色光明可鑑者真凡使先於豬脂內浸一宿至明出於柳木火上炙待炮了可研用只以蛤粉炒成珠用為便 薯蕷 畏大黃

白馬莖

凡收當取銀色無病白馬春月遊牝時力勢正強者生取陰乾百日用一法以銅刀破作七片將生羊血拌蒸半日晒乾

鹿茸

須茹茸如琥珀紅潤者良凡使先以天靈蓋作末然後鋸解鹿茸作片子以好羊脂拌天靈蓋末塗之於鹿茸上慢火炙之令內外黃脆了如褐色用鹿皮一片裹之安室上一宿其藥魂歸也至明則以慢火焙之令脆方搗作末用之每五兩鹿茸用羊脂三兩炙盡為度茸中有小白

如加子者佳 若頂上一見公 枝便不用

蟲視之不見入人鼻必為顙蟲藥不及也切不可以鼻嗅 麻勃為之使

牛膽 臘月黃牛者良

牡狗陰莖 六月上伏日取陰乾 百日切片酥拌炒

羚羊角 帶黃色者前彎中深銳緊小有掛痕者真耳 邊聽之集集鳴者良凡修事勿令單用不復

有驗須要 旋旋取用勿令犯風錯末盡處須二重紙裹恐 力散也錯得了即單搗搗盡背風頭重篩過然 後入藥中用免刮人腸也一說蜜裹藏懷中取 出搗 易碎

犀角 凡使以黑如漆黃如栗上下相透雲頭兩脚分 明者為上次用烏黑肌麓皴圻裂光潤者良近

人多巧偽藥染湯煮無所不至須辨之凡修治 錯其屑入臼中搗令細再入鉢中研萬匝方入 藥中用之一說入人懷內一宿易碎或磨汁入 藥用 松脂升麻為之使 惡雷丸藿菌烏頭

虎骨 烏喙 忌鹽妊婦 勿服能消胎氣 脛骨良頭頸骨俱可用色黃者佳雄虎者勝藥

也製法並搥碎去髓塗酥或酒 或醋各隨方法炭火炙黃入藥

猪懸蹄 古方有用左蹄甲者有後 蹄甲者酒浸半日炙焦用

猪四足 母猪者良

猪膽 陰乾汁亦可和藥

猪肚 猪水畜而胃屬土故方藥 用之補虛以胃治胃也

糜角 煎膠與鹿角膠同法取霜用角水浸七日刮去 皮錯屑以銀瓶盛牛乳浸一日乳耗再加至不

耗乃止用油紙密封瓶口別用大麥鋪鍋中三 寸上安置再以麥四周填滿入水浸一伏時水 耗旋加待屑軟如麩 取出焙研成霜用

包衣 獸部

狐陰莖 炙為末 酒服

獺肝 炙脆研 諸畜肝葉皆有定數惟獺肝一月一

乃可驗不爾多偽也

獐肉 膏油入膏藥中拔濕如神趙府膏藥中用之

膈臍 殺之物多偽海中獸號曰水鳥龍海人採得

物自殊有一對其有兩重薄皮累丸氣肉核皮上自有肉黃毛三莖其一穴年年塵濕常如新

兼將於睡着犬躡足置於犬頭其驀驚如狂即

是眞也用酒浸一宿後以布裹微微火上炙令青細到單搗用也漢椒樟腦同收則不壞

禽部

雄雀屎 凡使勿用雀兒糞其雀兒口黃未經淫者糞

先去兩畔有附子生者勿用鉢中研如粉煎甘草湯浸一宿傾上清甘草水盡焙乾任用日華

子云凡鳥左翼掩右者是雄其屎頭尖挺直

伏翼 凡使要重一斤者先拭去肉上毛及去爪腸留

肉翅并嘴脚以好酒浸一宿取出以黃精自然汁五兩塗炙至盡炙乾用一法止煨存性

天鼠屎 卽伏翼糞方言名天鼠爾一名夜明砂凡采

砂乃蚊蚋眼也惡白斂白微

蟲魚部

石蜜 凡煉蜜只得十二兩半是數若火少火過並用

不得凡煉蜜每斤入水四兩銀石器內以桑柴火慢煉掠去浮沫至滴水成珠不散乃用謂之水

水不煉法又法以器盛置重湯中煮一日候滴水不散取用更不傷火

蜜蠟

蠟乃蜜脾底也取蜜後煉過濾入水中候凝取之
說新則白久則黃非也與今時所用蟲造白蠟不同
惡荒花齊蛤

牡蠣

左顧者良東流水入鹽一兩煮一伏時後入火
中燒令通赤然後入鉢中研如粉用也一法火
煨醋滓七次研極細如飛麩貝母為之使
得甘草牛膝遠志蛇床子良惡麻黃辛夷吳
茱萸

伏礪砂

真珠

於臼中搗令細以絹羅重重篩過却便研二萬
下了用不細則傷人臟腑凡使要不傷破及鑽
透者可用也一法入豆腐內蒸易
碎入目生用不用蒸依上法為是

瑇瑁

入藥生用以其性味全也既經陽
火即不堪用與生熟犀角義同

桑螵蛸

凡使勿用諸雜樹上生者不入藥中用須桑
樹畔枝上者採得去核子用沸漿水浸淘七
遍令水遍沸於甕鍋中熬令乾用勿亂別修事
却無効也得龍骨止精畏旋復花戴椹

石決明

即真珠母也七九孔者良先去上麓皮用鹽
并東流水於大甕器中煮一伏時了漉出拭
乾搗為末研如粉更用東流水於甕器中如此
淘之三四度待乾再研一萬匝方入藥中用凡脩
事五兩以鹽半分則取服之十
兩永不得食山桃令人喪目也

海蛤

此即鮮蛤子鴈食後糞中出有文彩者為文蛤
無文彩者為海蛤鄉人多將海岸邊爛蛤殼被
風濤打磨瑩滑者偽作之凡脩事一兩於漿水
中煮一伏時後却以地骨皮栢葉各二兩又煮
一伏時後於東流水中淘三遍拭乾細搗研
如粉用蜀漆為之使畏狗膽甘遂荒花

文蛤

脩事法
同海蛤

蠶魚

俗名烏魚亦名黑魚諸
魚中惟此膽甘可食

鯽魚

子不宜與猪肉同食同沙糖食生疔蟲同芥菜
食成腫疾同猪肝雞肉雉肉兔肉猴肉食生癰
疽同麥門冬食害人

蝟皮 作猪蹄者妙鼠脚者次炙脆研用

露蜂房 治臃腫醋水調塗治瘡煎洗入藥灸
惡乾薑丹參黃芩芍藥牡蠣

蟬蛻 用沸湯洗淨泥土去頭足翅用攻毒全用

烏賊魚骨 凡使要上文順渾用血鹵作水浸并煮一
件烏賊魚骨多少先燒坑子去炭灰了盛藥一
宿至明取出用之其効倍多 惡白及白歛附

子

原蠶蛾 炒去翅足用

蠶退 近世醫家多用蠶退紙而東方諸醫用蠶欲老
眠起所蛻皮雖二者之用各殊然東人所用者
為正用之 當微炒

當微炒

白疆蠶 凡使除絲綿并子盡以糯米泔浸一宿待蠶
桑涎出如蝸牛涎浮於水面止然後漉出微

火焙乾以布淨拭蠶上黃肉毛并黑口甲了單
搗篩如粉用也白而直折開如瀝青色者佳

惡桔梗茯苓
神草薛桑蝶蛸

蛞蝓 即蛞蝓也畏鹽

蝮牛 此即負殼蛞蝓也生研服入藥炒用 畏鹽

蟻蟲 即俗名地鼈也生人家墻壁下土中濕處治傷
寒損續絕及消瘡母為必須之藥也能行瘀血
畏皂莢

菖蒲屋遊

青魚膽 鮮者可煮服乾者用醋及水磨用

鼈甲 七九肋者良醋炙透焦研細再拌醋瓦
上焙乾再研如飛麩 惡礬石理石

蠍 形緊小者良酒洗淨炙乾研

蟾酥 端午日取蝦蟇眉脂其法取大蝦蟇用蛤蜊殼
未離帶者合蝦蟇眉上用力一捻則酥出於殼

炮炙

虫魚部

三十一

鼠糞

內收在油明紙上乾收貯用
蝦蟇放去而酥復生仍活
壯鼠者良其糞兩頭尖

蝮蛇膽

人多以猪膽虎膽偽為之試法剔取粟許着
淨水中浮游水上回旋行走者為真偽者亦
走但遲耳其徑沉者諸膽
血也勿多着亦沉散也

蛇蛻

凡使勿用青黃蒼色者要用白如銀色者凡欲
使先於屋下以地掘一坑可深一尺二寸安蛇
皮於中一宿至卯時出用醋浸一時於火
上炙乾用之得火良畏慈石及酒

白頸蚯蚓

凡使收得後用糯米水浸一宿至明漉出
以無灰酒浸一日至夜漉出晒令乾後細
切取蜀椒并糯米及切了蚯蚓三件同熬之待
糯米熟去米椒了揀淨用之此條事二兩糯米
一分椒一分為

蜈蚣

凡使勿用千足蟲真似只是頭上有白肉面并
嘴尖若誤用并開着腥臭氣入頂致死凡治蜈
蚣先以蜈蚣木末不然用柳蟬末於土器中炒
令木末焦黑後去木末了用竹刀刮去足甲了
用蜈蚣木不知是何木也今人惟以火炙去頭
足用或去尾足以薄荷葉火煨用之畏蝮蟪

蛤蚧

凡使須認雄雌若雄為蛤皮竈口大身小尾粗
雌為蚧口尖身大尾粗男服雌女服雄凡脩事
服之其毒在眼須去眼及去甲上尾上腹上肉
毛以酒浸方乾用紙兩重於火上緩隔紙焙炙
待兩重紙乾焦透後去紙取蛤蚧於甕器中盛
於東舍角畔懸一宿取用力可十倍勿傷尾効
在尾也一云只含少許
急奔百步不喘者真

水蛭

極難脩制須細剉後用微火炒令色黃乃熟不
爾入腹生子為害一法采得以篁竹筒盛待乾
用以米泔浸一夜曝乾展其身看腹中有子皆去
之以冬猪脂煎令焦黃然後用畏石灰食鹽
斑貓入藥除翼足以糯米拌炒米黃黑色去米取用
生用生寫人一法用麩炒過醋煮用馬刀為

包

去
虫部

之使 畏巴豆丹參空青 惡膚青甘草豆花
斑猫荒青亭長地膽之毒酸汁黃連黑豆葱
茶皆能 解之

白花蛇

一云去頭尾各一尺有大毒不可用只用中
段一云黔蛇長大故頭尾可去一尺斬蛇止
可得淨肉四兩而已又留易蛀惟以湯浸去皮
骨取肉炙過密封藏之十年亦不壞也其骨刺
須遠棄之傷人毒與生者同也凡酒浸春秋三
宿夏一宿冬五宿取出炭火焙乾如此三
次以砂瓶盛埋地中一宿出 得酒良

烏蛇

製同上法

蜣螂

五月五日取蒸藏之臨用
當灸勿置水中令人吐

五靈脂

此是寒號蟲糞也此物多夾砂石絕難修治
凡用研為細末以酒淘飛澄去砂脚日乾醋
伴炒 惡人參

穿山甲

正名鱗鱓或炮或燒或酥炙醋炙童便炙或
油煎土炒蛤粉炒當各隨本方未有生用者
仍以尾甲 乃力勝

予見今之時師童而習之俱藥性彙括駢語守

為家珍而於神農本草及先賢炮炙法一切高

文大牘竟未嘗夢見臨證用藥方產之真贗莫

別修事之執則全乖欲以攻病譬如克敵致勝

責効於不練之卒至病者甘以七尺之軀徃徃

聽其嘗試良可憫也先生曰子言誠然因檢目

前嘗用諸藥品悉按雷公炮炙去其迂濶難遵

者而裁以已法其無雷公者則自為闡發以益

前人所未逮凡諸使制解伏并反忌惡畏等附
系其下庶病家攷用一覽瞭然兼可質醫師之
誤其所裨益功豈渺哉舊筆記所刻止九十餘
種今廣至四百三十九種一一皆先生口授而
予手錄之其間刪繁舉要補闕拾遺句字之出
入必嚴點畫之幾微必審稿凡四易始付殺青
予竊有微勞焉

延陵莊繼光謹識

用藥凡例

藥劑丸散湯膏各有所宜不得違製

藥有宜丸宜散者宜水煎者宜酒漬者宜煎膏者亦
有一物兼宜者亦有不可入湯酒者並隨藥性不可
過越湯者盪也煎成清汁是也去大病用之散者散
也研成細末是也去急病用之膏者熬成稠膏也液
者搗鮮藥而絞自然真汁是也丸者緩也作成圓粒
也不能速去病舒緩而治之也漬酒者以酒浸藥也
有宜酒浸以助其力如當歸地黃黃柏知母陰寒之
氣味假酒力而行氣血也有用藥細剉如法煮酒密

封早晚頻飲以行經絡或補或攻漸以取効是也
凡諸湯用酒臨熟加之

細末者不循經絡止去胃中及臟腑之積及治肺疾
咳嗽爲宜氣味厚者白湯調氣味薄者煎之和查服
丸藥去下部之病者極大而光且圓治中焦者次之
治上焦者極小麵糊丸取其遲化直至下焦或酒或
醋取其收斂如半夏南星欲去濕者以生薑汁稀糊
丸取其易化也湯泡蒸餅又易化滴水尤易化煉蜜
丸者取其遲化而氣循經絡也蠟丸者取其難化而
遲取効也

凡修丸藥用蜜祇用蜜用飭祇用飭勿交雜用且如
丸藥用蠟取其能固護藥之氣味勢力全備以過關
膈而作効也今若投蜜相和雖易爲丸然下咽亦易
散化如何得到臟中若其更有毒藥則便與人作病
豈徒無益而又害之全非用蠟之本意

凡煉蜜皆先掠去末令熬色微黃試水不散再熬二
三沸每用蜜一斤加清水一酒杯又熬一二沸作丸
則收潮氣而不粘成塊也

冬月煉蜜成時要加二杯水爲妙衍義云每蜜一斤
祇煉得十二兩是其度數也和藥末要乘極滾蜜和

用藥片
之曰內用搗千百杵自然軟熟容易作條好丸也

凡丸散藥亦先細切暴燥乃搗之有各搗者有合搗者其潤濕之藥如天門冬地黃輩皆先切曝之獨搗或以新瓦慢火炕燥退冷搗之則爲細末若入衆藥隨以和之少停回潤則和之不均也又濕藥燥皆大蝕耗當先增分兩待燥稱之乃准其湯酒中不須如此

凡篩丸藥用密絹令細若篩散藥尤宜精細若搗丸必于臼中搗數百過色理和同爲佳

凡藥浸酒皆須切細生絹袋盛乃入酒密封隨寒暑日數視其濃烈便可漉出不須待酒盡也查則暴燥微搗更漬飲之亦可散服之

凡合膏或以醋或酒或水或油須令淹浸密覆至煮膏時當三上三下以洩其熱勢令藥味得出上之使匝匝沸下之要沸靜良久乃上之如有韭白在中者以兩段漸焦黃爲度如有白芷附子者亦令小黃爲度絞膏要以新布若是可服之膏滓亦可以酒煮飲之可磨之膏查亦宜以傳患處此蓋欲兼盡其藥力也

凡湯酒膏中用諸石藥皆細搗之以新絹裹之內中

衍義云石藥入散如鍾乳粉之屬用水研乳極細必
要二三日乃已以水漂澄極細方可服耳豈但搗細
以絹裹之爲例耶

凡煎膏中有脂先須揭去革膜子方可用之如豬脂
勿令經水臘月者尤佳

凡膏中有雄黃硃砂輩皆當令研如麵俟膏畢乃投
入以物杖攪之不爾沉聚在下不勻也

凡草藥燒灰爲末如荷葉栢茅根薊根十灰散之類
必燒焦枯用器蓋覆以存性若如燒燃柴薪煨成死
灰性亦不存而罔効矣

凡諸膏膩藥如桃仁麻仁輩皆另搗如膏乃以內成
散中旋次下臼合研令消散

煎藥則例

凡煎湯劑必先以主治之爲君藥先煮數沸然後下
餘藥文火緩緩熬之得所勿揭蓋連罐取起坐涼水
中候溫熱服之庶氣味不泄若據乘熱揭封傾出則
氣泄而性不全矣煎時不宜烈火其湯濇沸耗蝕而
速涸藥性未盡出而氣味不純人家多有此病而反
責藥不効咎將誰歸

發汗藥先煎麻黃二三沸後入餘藥同煎

用藥凡例
止汗藥先煎桂枝二三沸後下衆藥同煎

和解藥先煎柴胡後下衆藥至于溫藥先煎乾姜行
血藥先煎桃仁利水藥先煎猪苓止瀉藥先煎白朮
茯苓止渴藥先煎天花粉乾葛去濕藥先煎蒼朮防
己去黃藥先煎茵陳嘔吐藥先煎半夏生姜風藥先
煎防風羌活暑藥先煎香薷熱藥先煎黃連凡諸治
劑必有主治爲君之藥俱宜先煎則効自奏也

凡湯中用麻黃先另煮二三沸掠去上沫更益水如
本數乃內餘劑不爾令人煩

凡用大黃不須細剉先以酒浸令淹浹密覆一宿明
旦煮湯臨熟乃內湯中煮二三沸便起則勢力猛易
得快利丸藥中微蒸之恐寒傷胃也

凡湯中用阿膠飴糖芒硝皆須待湯熟起去查只內
淨汁中煮二三沸鎔化盡仍傾盞內服

凡湯中用完物如乾棗蓮子烏梅仁決明子青箱蔓
荆蘿蔔芥蘇韭等子皆劈破研碎入煎方得味出若
不碎如米之在殼雖煮之終日米豈能出哉至若桃
杏等仁皆用湯泡去皮尖及雙仁者或搗如泥或炒
黃色用或生用俱可

凡用砂仁豆蔻丁香之類皆須打碎遲後入藥煎數

沸卽起不爾久久煎之其香氣消散也是以効少
凡湯中用犀角羚羊角一槩末如粉臨服內湯中後
入藥一法生磨汁入藥亦通

凡用沉香木香乳沒一切香末藥味須研極細待湯
熱先傾汁小盞調香末服訖然後盡飲湯藥

凡煎湯藥初欲微火令小沸其水數依方多少大畧
藥二十兩用水一斗煮四升以此爲准然利湯欲生
少水而多取汁補湯欲熟多水而少取汁服湯宜小
沸熱則易下冷則嘔涌

凡湯液一切宜用山泉之甘冽者次則長流河水井

水不用

服藥序次

病在胃膈已上者先食後服藥病在心腹已下者先
服藥而後食病在四肢血脉及下部者宜空腹而在
旦病在頭目骨髓者宜飽滿而在夜雖食前食後亦
停少頃然後服藥食不宜與藥並行則藥力稍爲混
滯故也湯液云藥氣與食氣不欲相逢食氣稍消則
服藥藥氣稍消則進食所謂食先食後蓋有義在其
中也又有酒服者飲服者冷服者煖服者服湯有疎
有數者煮湯有生有熟者各有次第並宜詳審而勿

略焉

清熱湯宜涼服如三黃湯之類消暑藥宜冷服如香
薷飲之類散寒藥宜熱服如麻黃湯之類溫中藥宜
熟而熱補中藥皆然利下藥宜生而溫如承氣湯之
類

病在上者不厭頻而少病在下者不厭頓而多少服
則滋榮於上多服則峻補於下

凡云分再服三服者要令勢力相及并視人之強弱
羸瘦病之輕重為之進退增減不必局于方說則活
溪溪地也又云晬時周時也從今日至明日亦有止

一宿者

服藥禁忌

服柴胡忌牛肉

服茯苓忌醋

服黃連桔梗忌猪肉

服乳石忌參朮犯者死

服丹石不可食蛤蜊腹中結痛

服大黃巴豆同劑反不瀉人

服皂礬忌蕎麥麵

服天門冬忌鯉魚

服牡丹皮忌胡荽

服常山忌葱

服半夏菖蒲忌飴糖羊肉

服白朮蒼朮忌雀蛤肉青魚鮓胡荽大蒜桃李

服鱉甲忌苋菜馬齒覓尤甚

服商陸忌犬肉

服地黃忌蘿蔔

服細辛忌生菜

服甘草忌菘菜

服粟殼忌醋

服芫花甘遂忌鹽忌甘草

服荊芥忌驢馬肉黃頰魚

服柿蒂忌蟬犯者木香湯能解

服巴豆忌蘆筍

服蜜及蜜煎菓食忌魚鮓

服藜蘆忌狐狸肉

若瘡毒未愈不可食生姜雞子犯之則肉長突出作

塊而白

凡服藥不可雜食肥猪犬肉油膩羹膾腥臊陳臭諸物

凡服藥不可多食生蒜胡荽生葱諸果諸滑滯之物
凡服藥不可見死尸產婦淹穢等事

妊娠服禁

蜆班水蛭及蚘虫烏頭附子配天雄葛根水銀并巴

豆牛膝薏苡與蜈蚣三稜代赭莞花射大戟蛇蛻黃

雌雄牙硝芒硝牡丹桂槐花牽牛皂角同半夏南星

與通草瞿麥乾姜桃仁通礪砂乾漆蟹甲瓜地膽茅

根都不中

妊娠禁忌前歌所列藥品未盡特為拈附

烏喙 側子 藜蘆 薇荷 厚朴 槐實 欖根

菌茹 茵根 赤箭 茵草 鬼箭 紅花 蘇木

麥孽 葵子 常山 錫粉 礞砂 砒石 硫黃

石蠶 芫青 班蝥 蜘蛛 螻蛄 衣魚 蜥蜴

飛生 虻蟲 樗鷄 蚱蟬 疥蟪 蝟皮 牛黃

兔肉 犬肉 馬肉 驢肉 羊肝 鯉魚 蝦蟇

羊躑躅 葛上亭長 鯀 鱓 龜 鼈 生薑

小蒜 雀肉 馬刀

六陳

枳殼陳皮并半夏茱萸狼毒及麻黃六般之藥宜陳
久入用方知功效良

十八反

本草明言十八反逐一從頭說與君人參芍藥與沙
參細辛亥參與紫參苦參丹參并前藥一見藜蘆便
殺人白芨白欵并半夏瓜蒌貝母五般真莫見烏頭
與烏喙逢之一反疾如神大戟芫花并海藻甘遂已
上反甘草若還吐蠱用翻腸尋常犯之都不好蜜蠟
莫與葱相覩石決明休見雲母藜蘆莫使酒來浸人

用藥戶例
若犯之都是苦

當禁不禁犯禁必死

張子和云病腫脹既平當節飲食忌鹽血房室犯禁者病再作乃死不救

病癆嗽忌房室膏粱犯者死

傷寒之後忌葷肉房事犯之者不救

水腫之後忌油鹽

病脾胃傷者節飲食

滑瀉之後忌油膩此數者決不可輕犯也

時病新差食蒜鱸者病發必致大困

時病新愈食犬羊肉者必作骨蒸熱

時病新愈食生棗及羊肉必作鬪上熱蒸

時病新愈食生菜令人顏色終身不平復

病人新愈飲酒食韭病必復作

不必忌而忌之過

張子和曰臟毒酒毒下血嘔血等症如婦人三十已下血閉及六七月間血痢婦初得孕擇食者已上皆不禁口

凡久病之人胃氣虛弱者忽思葷茹亦當少少與之圖引漿水穀氣入胃此權變之道也若專以淡粥責

之則病不悅而食減不進胃氣所以難復病所以難
痊此忌之之過也智者通之

書